



册府元龟
卷之八十七
至九



13
849
32



43
849
32



冊府元龜

淮南李嗣京參閱

西極文翔鳳訂正

豫章黃國琦較釋

帝王部 八十七

赦宥第六

唐肅宗至德元年七月甲子即位於靈武御南門下
詔曰朕聞聖人畏天命者奉天時知皇靈眷命不敢
違而去之知曆數有歸不獲已而當之在昔帝王靡
不繇斯而有天下者也乃者羯胡亂常京闕失守天

未悔禍群兇尚扇聖皇久厭天位思傳眇身軍典之初已有成命予恐不德罔敢祇承今群公卿士僉曰孝莫大於繼德功莫大於中興朕所以理兵朔方將殄寇逆務以大者本其孝平須安兆庶之心敬順群臣之請乃以七月癸丑朔十二日甲子卽皇帝位於靈州崇徽號上尊聖皇曰上皇天帝所司擇日昭告於上帝朕以薄德謬當重任旣展承天之禮宜單率土之澤可大赦天下改元曰至德大辟罪已下嘗赦所不免者咸赦除之其逆賊李林甫王鉷楊國忠近親合累者不在免限百姓官吏能率親屬去逆歸順

者有官加其優獎斬得逆賊父子不問首從當錫茅土別有褒崇其直言極諫才堪牧宰文詞博達武藝絕倫孝悌力田沉淪草澤委所在長官聞薦請闕自陳者亦聽東宮官屬旣會昌期合承寵命量加改轉諸色勾徵逋租懸調及官錢在百姓腹內並宜免放靈州改爲靈武郡大都督府上縣爲望中縣爲上官寮等一切便授天下耆壽各賜物五段侍老版授太守縣令有差各賜物五段諸道百姓委本道採訪使差郡縣存問四方將士各賜馬一匹六品已下賜物十段天下寺觀度七人太守並限三考然後轉御史

取曾任郡縣理人官者後可薦用所有彈奏一依貞
觀故事官吏犯枉法贓終身勿齒自古聖帝明王忠
臣烈士五嶽四瀆名山大川並令所在致祭孝子順
孫義夫節婦旌表門閭内外文武官九品已下各賜
兩階賜勲兩轉三品已上賜爵一級

二年十二月戊午御丹鳳樓門下詔曰軒轅有版泉
之戰堯帝有丹水之師湯有葛伯不祀周有儉狃孔
熾古之王者奉若天命違道不敢不正于紀不得不
誅日者逆胡倡狂敢行稱亂朕嗣守鴻業欽承睿圖
枕戈嘗膽撫劍泣血罔不夙夜若涉春水賴天地疾

威社稷憑怒上皇丕烈萬國永懷因時致討爲人請
命繇是義夫奮發回紇籍兵邦圻關輔之士沂隴河
湟之衆沙朔羗戍之騎徵盧蠻貊之人萬里雲超四
方霧合旣張我伐咸乃一心蠢茲蜂蠆之餘尚負螳
螂之力自京南合戰維北追奔百萬摧鋒一戍而定
昔夏以有窮之亂克之者四十年漢以新莽之亂復
之者六千日今環周末載氛祲廓清風振海而波盪
雷破山而石裂區宇重闢日月增輝此皆三靈叶贊
累聖垂祉豈予小子能集大勲頃以先掃宮室奉迎
鑿駕紫宸初正黃屋未歸耆老之望則深庭闈之戀

猶積所以自天之澤必奉於承顏作解之恩尚稽於
候命今六龍屆止萬姓昭蘇義本奉親慶深家國不
失舊物與俗惟新宜弘肆眚之典共喜以康之福可
大赦天下嘗赦所不免者咸赦除之其逆人能自投
降率衆款附反逆殺人并獲逆人其以所部郡縣軍
城降者並加超賞應與安祿山同謀反支黨及李林
甫王鉷楊國忠等一房並不在免限武德開元及蜀
郡靈武元從功臣有亡歿死王事者並加優贈各與
子孫一人官乘輿幸蜀天步多難人心且搖臣節斯
見太子太師函國公韋見素開府儀同三司內侍監

齊國公高力士開府儀同三司右龍武大將軍穎川
郡陳玄禮開府儀同三司左龍武大將軍田長文開
府儀同三司右龍武大將軍張崇俊右龍武大將軍
杜休祥等勇不顧死危能致命或竭誠羽翼仰北辰
而環拱或叶契心膂聚東井以全歸疇茲錫祉之封
以永誓河之義見素加開府儀同三司實封三百戶
力士加實封三百戶玄禮進封蔡國公實封三百戶
長文進封鴈門郡公崇俊進封南陽郡公休祥進封
憑翊郡公各實封二百戶朕恭行天罰誓兵朔野幸
以一旅之衆遂成九有之師言念經綸豈忘締構銀

青光祿大夫尚書右僕射裴冕識宇冲深體局貞固
輸忠佐命肇啟典王開府儀同三司封冀國公食實
封三百戶光祿大夫殿中監同正員判行軍李輔國
志除軍惡忠誠濟危加開府儀同三司殿中監依前
判行軍事封成國公實封五百戶銀青光祿大夫宗
正卿兼工部侍郎李尊義切維城勲參定國加特進
封鄭國公封二百戶開府儀同三司兼鴻臚卿同正
員中軍都知兵馬使副大使管宗嗣能訓戎律以佐
兵權進封鉅鹿郡公實封二百戶中軍都虞侯特進
鴻臚卿同正員李鼎加開府儀同三司進封保定公

加雲麾將軍右武衛大將軍在羽林軍宿衛內供奉
王競加特進太原縣侯仍各實封一百戶自寇賊姦
先王師未振瞻言京國尚聚犬羊廣平王俶循學好
古令德孝恭志存邦家誓雪讐耻爰鞠其旅元戎啓
行可封爲楚王實封二千戶銀青光祿大夫尚書左
僕射兼武部尚書同中書門下平章事兼靈武大都
府長史單于安北副都護持節充朔方節度使六城
水運朔方管内採訪處置使子儀才光三傑功格十
臣克焯皇威載昌大業加司徒兼尚書左僕射進封
代國公食實封二千戶平章事已下並如故開府儀

同三司兼鴻臚卿同正朔方左廂兵馬事同節度副使姑臧縣伯僕固懷恩進封豐國公兼實封二百戶開府儀同三司兼右衛金吾大將軍同正仍充四鎮伊西北庭行軍兵馬使李嗣業履險亡軀破敵定難兼衛尉卿同正封虢國公食實封二千戶銀青光祿大夫守司徒兼戶部尚書同中書門下平章事御史大夫鴻臚卿太原尹北京留守河東節度副大使蘇國公光弼全德挺生英才間出于城禦侮坐甲安邊可司空兼六部尚書同中書門下平章事進封魏國公食實封八百戶開府儀同三司御史大夫兼工部

尚書持節充招討西京并定武威武興平等軍兼關內節度河西隴右伊西四郡行營兵馬使王思禮養銳先鳴蓄奇後殿可開府儀同三司行工部尚書兼御史大夫封霍國公實封六百戶光祿大夫太嘗卿同正兼御史大夫淮南西道節度採訪使潁川太守來瑱可開府儀同三司兼御史大夫封潁國公餘如故特進大僕卿南陽太守兼御史大夫權知襄陽事金鄉縣公魯炤蘊是韜畧副茲臨制可開府儀同三司兼御史大夫封祁國公仍各食實封二百戶兼京兆尹持節充京畿在採訪計會招討宣慰處置事崔

光遠毀家成國致命前茅可特進行禮部尚書封鄴國公食實封三百戶開府儀同三司李光進慎固封守克猷殊勲封范陽郡公食實封三百戶賢非后不享后非賢用乂社稷之固必在良臣左相苗晉卿忠不忘君才惟濟代弼成大業保乂王家可特進行侍中封韓國公食實封五百戶憲部尚書同中書門下平章事李麟蘊德成務含貞軌物發揮帝業潤色皇猷可金紫光祿大夫刑部尚書同中書門下三品封褒國公銀青光祿大夫中書侍郎同中書門下平章事崔圓允釐庶績康濟多難一正天下大庇生人可

特進行中書令封趙國公食實封五百戶朝散大夫守中書侍郎同中書門下平章事河南節度採訪賜紫金魚袋張鎬謀猷惟允綱紀立程總茲戎律懿是謀府封南陽縣公餘並如故銀青光祿大夫太子少師房瑄嘗以經術輔道朕躬加金紫光祿大夫少保嗣虢王巨頃以宗枝居守經邑加光祿大夫御史大夫越國公岨總兼元戎克寧全蜀可金紫光祿大夫戶部尚書銀青光祿大夫守吏部尚書郇國公韋陟持衡流品式序百工可金紫光祿大夫吏部尚書銀青光祿大夫守禮部尚書李峴饋運周給開物成務

可光祿大夫行御史大夫兼京兆尹封梁國公太中
大夫吏部侍郎賜金紫魚袋蘇震供億蒸徒臨事益
辦可銀青光祿大夫行吏部侍郎其赴蜀郡靈武元
從官及在路扈從官三品已上與一子官四品以下
與一子出身六品已上量與進改功臣將士勳業高
者別有處分應見任五品已上當別與一品階其陣
亡人令所在郡縣收骸骨瘞埋具酒食致祭各與追
贈其家給復二載諸郡縣收或隔絕賊境則困於幽
殘或犒宴官軍則弊於賦歛其來載租庸三分放一
其天下百姓應諸色人勾徵及欠負官物一切放免

宜令中書門下簡使卽分道宣慰所至郡縣審問百
姓間利害有須釐革處置者一一聞奏其園苑內有
閑廐使總監各據所管地界耕種所牧草粟以備國
馬其宮女及狗獠鷄鷹鷓之類宜卽停減屋宇車輿
衣服器用並宜准式珠玉寶鈿平脫金泥織成刺繡
之類一切禁斷學官卽宜精選務令講習簡擇郎官
有堪任太守縣令者委京清資五品已上及郎官御
史聞薦其郡縣官有灼然清白理行尤異百姓中孝
悌力田不求聞達者委採訪使聞奏其有文經邦國
學究天人博於經史工於詞賦善於著述精於法理

軍謀制勝武藝絕倫並任於所在自舉委郡守銓擇奏聞不限人數其律令格式未折中者委中書門下簡擇通明識事官兩三人並法官兩三人刪定近日所改百官額及郡名官名一切依故事頒以上皇在蜀朕以居岐蜀郡宜改爲南京鳳翔宜改爲西京西京爲中京蜀郡改爲成都府鳳翔府尹以下官寮並依三京名號吳山爲吳嶽其祠享官屬並准五嶽故事天柱山老君廟改爲啟聖宮五品已上清資官及三品已上官上郡太守父見在無官及官卑並與五品官父母先亡歿者贈一人官祖母亡歿亦賜邑號

忠臣事君有死無二烈士徇義雖滅猶存其李愬盧奕顏杲卿袁履謙許遠張巡張介然蔣清龐堅等卽與追贈訪其子孫厚其官爵家口深加優賞其內外文武官有枉遭逆賊殺害及身赴朝廷并逃難山谷其父子兄弟伯叔等爲賊捕捉損害及謀反城人言語洩漏因遭殺戮並勘責聞奏當以追贈天下侍老八十已上版授有差並贈緋魚袋大原久遭逼圖給復三載上黨三度被攻給復五載其南陽潁州靈昌睢陽雍丘等郡縣堅壁多時力窮方下絕食尚守情亦可矜各給復三年其好畤奉仙兩縣進退禦寇徵

求復多各給復三載蜀郡上皇親幸萬乘久居明年
租賦宜依嘗式起後載給復三載良姊張氏既望氣
知歸亦當熊見節可册爲淑妃進封南陽王爲趙王
新城王僅爲彭王穎川王儻爲兗王第九男倓爲襄
王第十男佖封興王第十一男傀封祝王第十二男
侗封定王淑妃以下所司擇日卽行册命雖知人之
明慙於則哲而牧親之儀蓋所隨時持盈尊師儀王
已下各賜五百疋諸長公主各與一子官嗣王及郡
縣王各與一子六品官皇五等已下及九廟子孫及
親等人見在者並與轉改内外文武官三品已下各

加一階應叙三品五品量加減兩考蜀郡鳳翔扈從
從官九品已上賜勳兩轉溥天下賜酺五日

乾元元年二月丁未御明鳳門大赦詔曰古者父有
天下傳歸於子子有天下尊歸於父有國所以繼續
立身莫若揚親其義遠矣我太上至道聖皇天帝惟
皇降衷敷祐於上允文允武乃聖乃神道合乎乾坤
德明於日月粵若增崇九廟巡謁五陵天子之孝也
嚴禋二郊升中東嶽聖人之表也制禮作樂闡學明
刑帝皇之業也戡定多難懷柔百蠻霸王之功也於
是乎爲而不宰成而勿居神超象外之光心契合莫

之境釋負於小子俾承於丕構討伐叛逆綏懷四方
豈朕所能皆聖皇之訓也頃者親授寶符載錫美稱
顧朕不德以克負荷君父之命若登於天祖宗之緒
恐墜於地一昨與群臣百寮庶尹衆士圖惟帝載欽
若聖譽自古已來百工垂範文明濬哲孝友寬仁豈
有如我開元之盛也乃稽大典上徽號曰大上至道
聖皇天帝累日誠請不蒙許納至於數四今茲俯從
允膺天休克副人望朕上延嚴旨曲被殊私迎春之
初承奉嘉命聖皇所賜曰光天文武大聖孝感皇帝
名以制義亦爲實實卑不踰尊是昭物則恭惟聖造

何敢當仁頃以鴻業載昌有虧公議伏以大聖二字
深僭皇猷讓非飭詞言必形泣承順顏色而宸眷不
廻祇膺寵光乃夕惕增厲今惟新景命禮洽於尊親
誕受徽章敬在於順上發生萬物行慶其時孚佑兆
人緩刑斯在宜弘霈澤以布陽和可大赦天下改至
德三年爲乾元元年起二月五日巳前大辟罪無輕
重嘗赦所不免者咸赦除之其兩京文武官應三司
先推勘者本罪中遞減等處分其合放者三司具條
件奏聞自開元已來將相大臣非反逆及犯名教枉
法贓罪者流死許其家人以禮收葬其陷在賊境爲

其殺戮未經追贈公主并郡王嗣王郡主縣主及皇
五等已上親被逆賊殺害者各與子孫一人官使其
瘞藏亡失骸骨者各招魂葬身死者三品已上各與
追贈仍各與一子官五品已上一子出身六品已下
量事追贈其元從聖皇天帝至成都府文武官五品
已上宜與一子官六品已下超資進改聖望至成都
府後到官及寧州靈州首末扈從三品已上與一子
官五品已上放一子出身情愿迴授周親及親近亦
聽六品已下量與改轉鳳翔府以歸順前者普恩外
加一階車駕出城後任官潛藏不住逆賊卽與處分

唐元功臣普恩外賜爵一級身亡歿者子孫一人加
一階其諸道節度下將士三品已上與一子官五品
已上放一子出身六品已下量與改轉勲業高者各
委本使聞奏諸道留後將士普恩外賜恩三轉自開
元已來宰輔之家不爲逆賊所汙者與子孫一人官
賊陷兩京文武常參官及諸州刺史絕脰仰藥不事
叛人爲衆所知者量加優贈有脫身賊庭妻子被屠
戮者委所司勘會聞奏其天下孝義門各與一子官
爲採訪使具名聞奏量文武處分其左降官非反逆
緣坐及犯惡逆名教枉法盜賊如有親年八十已上

及疾患在牀枕者不堪扶持更無兄弟許其停官終養其流人亦准此自今已後應有以醫術入仕者同明法例處分天下百姓今年租庸並放其百司府縣諸色雜供各宜減半其雜徭役非要切者一切並停其天下州縣有遭逆賊攻擊堅守不下竟以獲全其官人百姓中有識效灼然爲衆所知者宜令本道使案驗奏聞據狀迹酬其官賞身亡歿者重加褒贈有父母存者仍與一官及邑號無父母者與妻子仍令州縣以官物賑恤并量造舍宇使得安存其州因城陷被賊殺戮殘毀者委本道使勘責取實各量免其

二年租賦自逆賊以來有匹夫匹婦節義可稱者並旌表其閭墓其流亡戶復業者委本道使與刺史勾當賑給并與種子犁牛仍免三年租賦内外文武官三品已上各賜爵一級四品已下及四方通表使各加一階五品已下有父歿者各賜勳兩轉其刺史上佐錄事參軍縣令委中書門下速於諸色人中精加訪擇補擬判司丞已下宜令所繇先於兩京潛藏不仕逆賊及固託疾病官中簡擇資考深才堪者銓注續發遣皇五等已上親及九廟子孫有才學政理委宗正寺揀擇聞薦其有任僞官及掌兵馬軍將能郎

來各還本官仍別優賞其左降官諸色流移配隸安置罰鎮效力之類亡官失爵解退放歸田里及安祿山反黨緣坐不在免限李林甫王鉷楊國忠等一房去年十二月十五日制後所犯並准前制處分

四月甲寅親行享廟之禮乙卯御丹鳳門大赦天下詔曰朕聞皇天有命皇王受之命之爲君孝理爲本莫不欽崇前烈聿修禋享之儀對越上玄式陳郊禋之敬美其盛德商頌有奏鼓之音告厥成功夏書有錫珪之慶國之大事寔在於斯聞者孽胡亂嘗暴殄天物致圖書禮樂或阻於干戈宗廟神祇有虧於享祀

朕誕受明命恭行天罰群妖克殄詩歸鯢以示威正室旣寧奉鑿輿而載復太上聖皇大帝功格天地道邁胥庭思凝神於姑射將釋負於宸扆俾予小子繼承大統夙夜祇懼俯盡臣子之心親親尊尊庶極於此是用追崇先后建立中宮永言孝思感徽音於父母俾行婦道想輦降於虞嬪情理於是獲申人倫以之攸叙然後執瓚清廟歌五聖之重光燔柴圓丘覲百神之受職復修祭禮再備樂章尊祖配天不失舊物今大禮斯舉玄符允答行慶施惠尚屬於陽和出繫挺囚必當於時令思與天下更布惟新宜覃肆告

之恩以洽雍熙之化可大赦天下除叛逆之黨緣坐謀殺十惡刦盜臨監主掌自餘一切原免其餘逆賊元謀及脅從今但歸投並原其罪仍與官賞其成都府元從聖皇功臣及靈武原從功臣並收兩京將士京留守諸道節度採訪使普恩外三品已上賜爵一級四品已上加一階行人賜勳三轉自寇賊以來官吏百姓中有勞未經酬賞者委所在官長具狀奏聞當與甄錄天下百姓除正租庸外一切不得別有使役如緣軍務所要自令和市兵士有尪弱羸老並揀擇放其長安萬年兩縣各借錢一萬貫每月收利以

充和雇勅其別索物及供諸司并蕃客等左藏雖給價值奏請每引時月宜先給兩縣各五十貫貯於兩市差官專知旋還價值其州府縣門夫勳官並於舊額數減一半其庸丁殘疾人等不須更差其州縣官上什物並以公廨及官人料錢依時價和雇造買不得分配典正其年支口味宜減一半諸使應進鷹狗豹貂等一切並停應緣南郊百司張設有損百姓苗稼者委京兆尹隨損多少陪酬所損錢物便卽聞奏百姓中有能行仁義分濟貧窮免填溝壑賴救恤者具名聞奏當寵以官職鰥寡憊獨篤疾不能自存及

陳亡人家並租免戶州縣隨事優恤賑給百姓中有
事親不孝別籍異財黷汙風俗虧敗名教先決六十
配隸磧西有官品者禁身奏聞京官九品以上許封
事極言時政得失朕將親覽用佇嘉謀才有可觀別
當甄錄草澤及卑位之間有不求聞達未經推薦者
一藝已上恐遺俊乂令兵部吏部作徵召條目奏聞
錄事參軍職司糾舉自今已後宜升判司一政以彰
委任國子監學生明經法帖策口試各十並通四已
上進士通三與及第鄉貢明經准嘗武州縣學生放
歸營農待賦平之後任役嘗式二王三恪各與一子

官内外文武官三品已上賜爵一級四品已下加一
階

十月甲辰上御宣政殿册成王爲皇太子詔曰守器
爲重擇賢而立萬國繇其永貞百王以之垂範盖以重
社稷而奉粢盛也朕纘承洪緒惟懷永圖丕膺皇極
旣符域中之大茂建元儲用崇天下之本皇太子儗
植性恭懿因心孝友文武之德克聞於日躋君親之
誠實原於天性徃以時屬難阻義扶宗社故能外清
玄祲內復皇圖繇是肇啓承華懋昭嘉緒今撰辰斯
及册命攸行宜承繼明之慶俾廣滂雷之澤可大赦

天下頃者頻興大典累洽殊私率土之間屢經蕩滌猶慮近有冒法或滯狴牢其天下見禁囚徒已下罪一切放内外文武官三品已上者賜爵一級四品已上各加一階五品已上官子爲父後者賜勳兩轉頃因國用不足頒賜未周今所鑄新錢數盈於萬其京官文武五品已上及嘗叅官六軍將士東京北留守及諸道節度將士等各賜有差其唐元功臣成都元從及朕元從功臣等普恩之外更賜一爵四品已下更加兩階其在靈州及寧州至鳳翔者仰所司類例更遞加一等皇親及諸色陪位人各賜勳兩轉其鴻臚蕃客賜絹一千疋天下義夫節婦孝子順孫旌表

門閭終身不仕京官五品已上各舉忠正孝友文儒周慎堪任東宮官者務取實才不得虛薦今餘寇未殄有脅在賊中未歸順者一切不以爲罪其有受賊節制能以兵降者酬其封爵且爲政之要求賢是急比令中外薦舉多非實才所以詢事考言登科蓋寡猶慮嵩穴之内尚有沉淪宜令所在州縣更加搜擇其懷才抱器隱遁丘園以禮徵送如或不赴具以名聞凡與前詔科目相當一切委内外文武五品已上官有所知者不限人數任各荐聞如自舉者亦聽於

所在投狀有堪任用不限嘗資其行人家及羸老單貧鰥寡憫獨已頻有處分宜令州縣長官倍加優恤應元册禮職掌要重者及撰册書昇寶官禮官等普恩之外賜勳兩轉其禮儀使特賜一階副使普恩之外賜爵一級勅文有不該者所司類例奏聞

二年三月壬戌帝遣侍中苗晉卿中書侍郎王瓌分錄大理寺御史臺京兆府見禁囚徒已下罪皆免之三月丁亥詔曰古之哲王臨御區夏莫不好生慎罰以理人命故易稱緩死書貴恤刑所以樂時布和奉天吉勳者也朕恭守丕緒祇膺皇極順時調氣庶欽

若於玄樞盱食宵衣每憂勤於黃屋頃自獻春之後膏液稍憊言念人時或稽政本雖離畢之應未獲滂沱而滋萌之漸亦頻霑沐是用申茲渥澤助彼發生宜崇寬大之典俾達陽和之氣其天下應合死罪特降從流流已下罪放免其事緣反逆造僞頭首情狀難容者所司詳議聞奏其流移左降該恩合量移者宜令所司卽類例處分朕爲人父母義當亭育時有或憊於令物有不遂其生敢懷自逸之至寔受在予之責但以兇徒尚阻戎旅多虞致使黎庶不堪徃役未息雖國家之事休戚當同而君父之誠寧忘愧惻

况春農在候田事方興百姓之間固須優恤天下州縣應欠租庸課稅傳馬粟貸糧種子糴糶變稅及營田少作諸色勾徵納未足者一切放免其正義等倉及諸色攤徵亦宜准此其至德二載十二月三十日已前和糴和市并負欠官物及諸色官錢欠利嘗平義倉欠負五色一切放免州縣百姓頃屬軍興戶口之間不無流散宜令州縣長官審加勘責且立簿書據見在戶徵課稅其逃亡者別立文案設法招輯終年類例以爲褒貶如勘責虛望所繇官長並節級科貶其所繇典正等先決六十仍罰効力其百姓先逃

散卽能還者並每季申省給復三年其逃戶有田宅邸店堪充課稅者宜令所繇卽爲租賃不得因茲妄有欺隱至到卽却令分付比者不急之務尋已詔停如聞所司未全減省載求人瘼實切朕懷固當革弊息人勵精爲理自今已後內外不得輒別徵求妄爲進奉諸色力役造作非軍國灼然要急及諸色率稅亦一切並停太嘗寺音聲除禮用雅樂外并教坊音聲人等並仰所司疎理使敦生業非祠祭大祀及宴蕃客更不得輒有追呼其內將作少監及諸供司工匠等各仰長官逐要量留餘者並委御史臺專加糾

察如有違犯具錄奏彈宣示中外令知朕意

三年二月丙子詔曰國之用刑兼在於慎恤王者布澤亦貴於乘時所以大易陳規必議於獄周官設教遵於中興朕躬臨寶位憂念黎元乾乾之心日慎一日况兵戎未息征役尤繁哀此下人無忘夕惕如聞州縣之內多有累囚囹圄之間動淹時序每軫納隍之慮常懷解網之仁屬陽春布和品彙咸達宜覃在宥之澤俾叶生成之化其天下見禁囚徒死罪降流流已下一切放免其十惡反逆及偽造頭首強盜劫殺官吏犯賊枉法等害政既甚在法難容不在此限

其諸供司及作曹非切要外並宜減省京畿諸色和糴一切並停其天下百姓灼然單貧交不存者緣租庸先立限長行每鄉量降十丁猶恐編戶之中懸磬者衆限數既少或未優矜其實不支濟者宜令每鄉量更矜放待資產稍成任依常式以天下未寧頻申赦令公私庶務優恤蓋多載覃宥過之恩庶及措刑之美宣示中外知朕意焉

上元元年閏四月己卯御鳴鳳門詔曰自古哲王恭承景命莫不執象以御宇歷時以建元必當上立乾符下立人極者也朕承累聖之鴻業紹大中之寶位

胡孽干紀王師尚勞乾乾之心豈忘鑒寐一物所失
每軫納隍之憂萬邦未寧深懷馭朽之懼賴上玄垂
福宗廟降靈百辟卿士同心戮力方冀干戈載戢區
宇乂寧每勵躬於帝圖常取則於天道屬天人叶紀
景象垂文爰遵革故之典將契惟新之命義存更始
庶有應於天心澤被無私宜載覃於率土可大赦天
下改乾元三年爲上元元年閏四月十九日昧爽已
前大辟罪已下已發覺未發覺已結正未結正見禁
囚徒罪無輕重常赦不免者咸赦除之其與逆賊元
謀及脅從受驅使懼法來降并潛藏不出者已類處

分但能歸順赦罪除元惡之外一無所問其史思明
心能改圖束手來款亦當洗其瑕釁議以勳封內外
文武官賜爵各有差其六軍及飛龍閣廡加賜物其
成都靈武元從扈從遞加有差在外諸軍各加錄賞
物陣亡將士優加褒贈行人家口所在賑給定禍亂
者必先於武德拯生靈者諒在於師貞周武創業克
寧區夏惟師尚父寔佐興王况德有可師義當禁暴
稽諸古昔爰崇典禮其大公望可追封爲武成王有
司依文宣王置廟仍委中書門下擇古今名將配享
并置亞聖及十哲等享祭之典一同文宣自古百王

欽慎刑法蓋以法者人之命刑者國之權苟或失其科條固難措其手足頃或奸臣擅命中興不修造次便行哀敬何在自今已後其有犯極刑者宜令本司依舊三覆庶平反之際人謂不寃幽明之間理皆無濫又書稱群望咸集詩曰祠事孔明爰自遐代尤崇祭祀朕深惟古義必在至誠苟德之不修則神亦無據故知精誠有感黍稷非馨而况宋璟發言固三從而可驗漢文深戒爲千載之明徵事可遵行理當變革有司所立秘祝之法或移於歲或移於人君人之心寧所忍也自今已後削去此法其中祀下祀并雜祭

祀等一切並停其諸應合祭祀列於常典所用祭科一依古制務從減省以副朕心又車服以庸有虞盛典威儀以等周禮舊章徃屬承平多歷年所至於公卿列位中外在官多以奢僭爲心流弊成俗宜令所司定王公已下車服產業各詳古制及令式作節限聞奏自頃戎車未息殘孽猶虞軍史獻功務陳首級且四海之內孰非王人豈以苟從昏迷陷在夷戮一朝授首懸彼橐街朕志在好生憫其驅脅其諸軍所獲首級除元惡之外一切不得傳送又設官以禮本在安人遞遷之政勞於利物今寰瀛之內兵革未清

加以時或不登物皆踴貴軍儲是急廩稍靡供冗官之流固甚勞弊其京閑司官等有材堪釐務者宜命中書門下卽類例量資歷出授外官王者設教擇賢以理廣徵崑穴用副薪樵宜令中外五品已上文武正員官各舉賢良方正直言極諫一人武藝文才俱堪濟理者亦任狀舉其或文乏詞策武非騎射但權謀可以集事材力可以臨戎方圓可收亦任通舉並限制到一月內奏畢自古明王聖帝名山大川並委州縣長吏擇日致祭義夫節婦孝子順孫旌表門閭終身勿事

二年正月甲寅詔曰乘時布澤有國之彛訓議獄緩刑前王之茂典繇是洽其彘郊殷湯弘解網之仁順彼陽和漢后有錄囚之詔育物施惠抑惟舊章朕纘服鴻業祇膺寶位何嘗不日旰忘食中夜求衣慮一物之失所憂四方之未乂雖身居黃屋而志在蒼生今寇孽爲虞征輸未息猶恐提戈釋耒未有厚於人時寘棘理梧或慮盈於幽囹屬三陽啓候萬物遂生宜覃在宥之澤庶叶惟新之令其天下見禁徒囚死罪降流徒以下並釋放京城宜令中書門下卽分往府縣御史臺大理寺卽自親按問疏決訖具狀聞奏

諸府州各委所繇長官准此處分諸色流人及左降
官等所繇類例並與量移仍委中書門下議覆奏取
處分其先緣安祿山僞署三司有名應在流貶者原
情議罪負國誠深朕以捨其殊死竄於荒徼固當與
衆共棄長爲匪人然皆邦國舊臣嘗挂纓冕使其終
沒喬土永匿慙魂孰若貸以殊私俾令效節亦准例
處分兼委中書門下量輕重類例奏取處分比緣寇
盜之內干戈脅從白刃臨頸胡寧忍決所以陷於兇
黨苟免者多前從詔書頻以該及其史思明將士及
僞署官屬等有束身歸順并率衆來降官爵如初一

無所問以城邑降者仍別加封爵餘兇黨之流亦同
此例天寶臨炤朕無食言王者設教務農爲首今土
膏方起田事將興敦本勸人寔惟政要宜令天下刺
史縣令各於所部親勸農桑百姓中有勤勞耕耘積
其菽粟或贍於閭里或能益軍儲委所繇長吏具狀
奏聞當特與甄賞仍令有司第其高下量酬五品以
下官員其百司及州縣興工力役不急之務一切並
停諸軍兵健應在行營有羸老疾病不任戰陣者各
委節度使速揀擇放還路次州縣量加濟卹諸色步
役各令所司減省放其營農且寇孽未平軍戎當脩

毗庶之內征賦猶繁朕所以親帥公卿躬行節儉而
詔書屢下蠲免蓋多國計軍儲取給而已猶欲累加
損益以惠黔黎宜委中書門下勾當令度支使與諸
供司一切減省應可蠲免每司各條件聞奏當使施
行

九月壬寅詔曰爲人上者與衆守邦自古哲王懼其
滿假聰明濬哲罔不在躬文武聖神乃以爲號顧予
菲薄運屬經綸一旅成師復其舊物聖皇納人壽域
遊意道源神器之重傳歸於朕獲守丕業若履春冰
敢忘謙冲日益招損欲垂範而自我亦去華而就實

其乾元大聖光天文武孝感等尊崇之稱何德以當
之以欽若昊天定時成歲春秋五始義在體元惟以
紀年更無潤色至於漢武飭以浮華非昔王之茂典
豈永代而爲則三代受命正朔皆殊宗周之王實得
天統陽生元氣之本律首黃鍾之尊制度可行叶用
斯在自今已後朕號稱皇帝其年但號元年去上元
之號其以今年十一月爲天歲首便建丑建寅每月
以所建爲數承天陟后稽古臨人必繇革故之源方
合大中之道風行寓縣澤被無涯欽承上帝之心申
錫蒼生之慶可大赦天下自二年九月二十一日昧

癸巳前大辟罪無輕重已發覺未發覺已結正未結正見繫囚徒嘗赦所不免者咸赦除之其十惡五逆及造僞頭首官典犯贓法實難容刑故無小並不在免限其史朝義若能翻然改圖背逆歸順罪無所問加以勲封自乾元元年已前開元已來應反逆連累赦慮節度限所未該及者並宜釋放有官者降資與官無官者依本色例收叙內外官三品已上賜爵一級四品五品各加一階六品已下賜勲兩轉成都府及靈武元從普恩之外三品已下更賜爵一級四品更加一階六品已下更賜勲一轉眷及勤勞俾其焯

叙每以田功在謹農事惟勤不有司存何成重穀諸州等各置司田叅軍一人專主農事每縣各置田正二人於當縣揀明閑田種者允務令勸課國之大事郊祀爲先貴其至誠不美多品黍稷雖設猶或非馨牲牢空多未謂能享今以玄元孚佑至道爲心將臻太和不欲多殺禮樂殊制孝敬同歸丘園方澤任依嘗享宗廟時祠但臨時獻熟用懷明德之馨庶合西隣之祭唐虞之代肇有九州王者所都文無異制其京兆府河南府大原府三京之號宜停其鳳翔先爲西京亦宜准此所設諫曹欲聞諷議允副從繩之望

須成削橐之書其諫官令每月一上封事指陳時政得失若不舉職事當別有處分其諸州別駕可依舊却置每除京官五品已上正員清望官及郎官御史諸州刺史皆用推荐一兩人以自代仍具錄行能聞奏觀其所舉以行殿最文武官等賜物各有差自今已後有隱欺須勾剝者宜勾當年若事連去年亦任通勾其隔年者不在勾限官典隱藏在腹內不在此限其氏姓雖得之又遠者與俗諺及隱疾同聲者宜改與本族望所出大姓自逐穩便名山大川明王聖帝所在廟祠各委州縣官長虔誠致祭天下侍老先版授者改與版授未版授者與版授鰥寡憊獨不能存立者委刺史縣令量加賑恤義夫節婦孝子順孫旌表門閭終身勿事赦書有所未及者各令有司速勘會類例條件聞奏

元年建卯月

臣欽若曰是去年號稱月建事具帝王年號門

辛亥朔御明鳳

門詔曰惟天爲大事之在明惟聖能享承之在德朕託於人上獲守丕圖思大道之行去鴻名之節文武徽號存而不稱開統履端建元叶紀美皆有讓言必可陳虔告玄元致齋清廟恭行舊典展禮南郊百神允懷上帝臨我升聞之際其亦可言昭事以誠寔膺

多福高而不遠復見其心乃候發生之時用行嚮勸之道賜谷出日登大明於域中泰山起雲遍膏雨於天下君人臨炤德澤周洽布其寬大豈止於茲宜行肆眚之恩益廣萬邦之慶可大赦天下自元年建卯月一日昧爽已前大辟罪已下罪無輕重已發覺未發覺已結正未結正繫囚見徒嘗赦所不免者咸赦除之其反逆造僞頭首謀殺故殺并十惡死罪官吏及典正犯賊爲蠹旣深在法難容並不在赦限其史朝義已下脅從將士及受僞官等棄逆歸順因事立功封賞之外餘無所問其諸色流人及左降官等前

後頗有處分並與量移所繇稽遲動歷年數宜令有司卽申明前後制勅節文速勘責類例開奏其中外行業夙著情狀可矜久踐朝班曾經任用者委在朝五品已上清望官及郎官御史於流貶人中素相諳委爲衆所推者各以名薦須當才實其内外文武官三品已上賜爵一級四品已上各加一階成都府靈武元從功臣三品已上更賜爵一級四品已上更加一階朕敬授人時慎徽月令庶無極否以獲休徵自今以後每至四孟月迎氣之日與百辟卿士舉而行之建辰月應蕃曠騎宜三分量留一分其餘卽放歸

營農至建巳月任依嘗式諸州刺史縣令及司田叅軍令設法勸課令其耕種不得失時貧不支濟戶仍方圓處置量事借貸務令存立歲終巡按量其功效便申賞罰諸道貢獻除馬畜供軍之外其餘鷹鷄狗獬奇禽異獸並不得輒進五都之號其來自久宜以京兆府爲上都河南府爲東都鳳翔府爲西都江陵府爲南都大原府爲北都孝本天經禮崇國典橫於四海漏及三泉其京資清正員文官五品巳上武官三品巳上并兩省供奉官御史諸州刺史並諸道節度巳下三品巳上父母亡沒未經追贈者並量與追

贈文武不墜道弘於人務在搜揚俾其展效其諸道入中有詞學高深兼通政理軍謀制勝明習韜鈴者委所在刺史揀擇薦京四品巳上員文武官任各舉一人孝子順孫義夫節婦旌表門閭終身勿事

建辰月壬午詔曰元首之義以人爲心外有剝傷內懷慘怛罪歸於巳情見乎辭伯禹深泣辜之仁漢皇下哀痛之詔與理同道惟刑是恤朕志弘覆載運屬艱難思措大刑俾登壽域風以解愠時當發生國有舊章巳懸書於象魏恩威在宥宜釋繫於狴牢其天下見禁囚徒罪無輕重一切放免其官典犯贓情雖

難恕特從寬典許以自新並宜納贓放所犯罪左降
官等卽與量移近處諸色流人及效力罰鎮人等並
卽放還其有亡官失爵亦與收叙比來兵革不息年
穀未登百姓流離至於困弊戰士暴露頗聞闕乏或
先有結聚及有違軍令但宜改過自效前事捨而不
論艱虞以來多冒刑憲道存善貸屢有德音庶其最
靈咸自改勵宣示中外知朕意焉

已未又詔曰左降收叙官及流人等今月三日已有
處分若准例更待本處文解必恐動經歲年恩不及
時殊乖先意宜令所繇計會勘責五品已上及郎官

御史俱貶中書門下六品已下委兵吏部各詳犯狀
輕重量才改轉其本犯非巨蠹曾經清班名行夙著
者仰具名衙聞奏諸色流人等所司簡勘明曆牒所
繇州縣軍鎮等放還流貶人所在身亡者任其親故
收以歸葬仍州縣量給棺槨發遣

寶應元年四月乙丑詔曰上天降寶獻自楚州神明
告曆數之符合璧定妖災之氣總集瑞命祇承鴻休
因以體元叶乎五紀其元年宜改爲寶應元年建巳
月改爲四月其餘月並爲常數仍舊以正月一日爲
歲首受茲福應佇以升平因日月之重光布雨雲之

渥澤其天下見禁囚徒罪無輕重并已發覺未發覺已結正未結正四月十五日昧爽已前一切放免左降官宜即量移近處流人一切放廻有司更不得輒有類例條件其楚州刺史并出寶縣官及進寶官量與進改隨進寶官典儼等各量與一子官宣示中外宜知朕意

冊府元龜

冊府元龜

淮南李嗣京叅閱

西極文翔鳳訂正

豫章黃國琦較釋

帝王部 八十八

赦宥第七

唐代宗以寶應元年四月己巳即位五月丁酉帝御丹鳳樓門下大赦天下制曰高宗嗣興諒闇成受終之禮康王承統翌日奉顧命之書况萬事尚殷蕭牆有釁蒼生佇望社稷謀安教雖達於通喪禮有變於

金華順人聽政僂俛從權朕頃從鑾輿率彼西夏佐
成草昧俾掌戎車國步艱難睿圖廣運再清寓縣崇
復宗社稟承命以受律敢貪天以爲功聖慈弘深冊
踐明兩奉承庭訓敢有怠遑嗚呼不吊昊天殃咎荐
至皇祖之哀未釋閔凶之罰奄鐘攀號罔極若無天
地誓終喪紀企及前王百辟抑予俾荼遺訓俯遂衆
望嗣膺丕烈欽茲大寶懼不勝任若蹈春冰如集喬
木日者先聖哀損朕在問安而闕墻構災陵長成禍
闖闢作孽闢寺滔天職爲亂階潛置巫蠱將以竊弄
覆我邦家賴良弼翊戴爪牙同德天道助順神聖害

盈昭此共工之心終貽管蔡之辱會彼有罪咸伏其
辜廢於離宮實於城穎今天衢雖泰率土未康式協
公卿之心仰遵易月之命奉時斯在先甲未孚宜允
人神覃茲漫汗可大赦天下自寶應元年五月十九
日昧爽已前大辟罪已下已發覺未發覺已結正未
結正繫囚見徒嘗赦所不免者罪無輕重咸赦除之
自開元已來所有諸色犯累者並宜雪免左降官并
諸色流人及罰鎮效配軍團人等一切卽放還其中
有見任刺史縣令及正員者并依本任其四月十五
日已後諸色流貶者與量移近處逆賊史朝義已下

右能投降及率衆歸附者當超與封賞天下禁囚不得過五日所有推劾不得分外拷掠亦不得信友證便結罪名諸色文武官應在凌霄門內謁見者并飛龍射生等並宜以實應功臣爲名諸州刺史與一子官刺史縣令入五品減兩考內外文武官三品已上賜爵一級四品已下各加一階諸州刺史父母在無官者與致仕官及母益號已亡歿者追贈諸州防禦使並停天下子爲父後者各賜勳一轉州縣官自今已後宜令三考一替大官養贍等特宜減省有涉奢侈一切宜停天下百姓逋租懸調貸糧種子諸色欠

負官物一切放免開元乾元等錢並宜准一文用不須計以虛數益昌郡王邈進封鄭王延慶郡王迥進封韓王故庶人皇后王氏故庶人太子瑛鄂王瑤光王琚宜並復封號棣王琰永王璘及應安祿山誣誤人反狀人等並宜昭雪建昌王追封爲濟王崇恩王追封爲衛王靈昌王追封爲鄆王其有明於政理博綜典墳文可經邦謀能制勝及孝悌力田諸州刺史並宜搜揚聞薦投匭者不須勘以停處姓名務招直言以副朕意

十一月辛巳詔東都河北應受賊脇從署僞官并僞

出身悉原其罪一切不問

廣德元年七月壬子御宣政殿下詔曰惟高祖太宗敷大德於天下覆載之內湛恩茂育累聖同道用康兆人寶位重光深其德澤被服漸漬洽於生靈者百有五十年之間兵不作而刑將措矣自寇虐橫厲山東不開釁起渠魁毒流區宇三軍七萃之士豪傑忠良之徒制在風波遭其驅劫繇是干戈不息征賦寔煩哀我人斯並罹災患憫茲有犯無罪萬方朕上載皇天下臨黔首奉先聖之成命集一切之大勳元惡既誅群生思又是欲鏡清六合網決八紘庶齊大道

之時克復太平之理至化猶鬱兵嚴勅解百辟卿士中外衆臣並進昌言請上號徽曰寶應元聖文武孝皇帝朕涉道日寡慚德良多恐沮樂推之心自增神器之重俯應典冊敬受鴻名便欲謁報昊天展事郊廟又以孟秋多稼垂及西成王畿之間人實勞止輟茲大禮式候玄冬切爲踰年改元之制繼承洪業敢廢舊章博採群公之義乃貞協用之紀其實應二年改爲廣德元年爰屬履端乃弘肆眚救茲湯火俾雲行而雨施滌其瑕穢將玉振而金聲宜廣更始之恩用明嚮勸之福可大赦天下自廣德元年七月十一

日昧爽已前大辟罪無輕重已發覺未發覺已結正未結正繫囚見徒嘗赦所不免者咸赦除之左降官卽量移近處亡官失爵各與收叙諸色流人罰鍾效力安置配隸等一切放還其安祿山史朝義親族應在諸道一切原免並無所問天下所有諸色結聚羗渾黨項等但能悔過自陳各歸生業一切並捨其罪其中有頭首能勸率并束手來歸者并加官賞仍令本道防禦使并本管刺史縣令分明曉諭所有到者各具名錄奏請百姓遭租懸調及一切欠負官物等自寶應元年十二月三十日已前並放免一戶之中

有三丁放一丁庸調地稅依舊每畝稅二升天下男子宜二十五成丁五十五入老應徵租稅刺史縣令據見在戶徵科其逃亡死絕者不得虛攤隣保河北百姓復三年應是迴紇行營經歷處免今年租稅內外文武三品已上賜爵一級四品已上加一階仍各賜兩轉天下兵馬元帥雍王智謀夙成忠孝純至恭行討伐親統元戎撫外蕃以仁訓群師以義班師獻捷勲茂武成宜兼尚書令加實封二千戶迴紇可汗册爲頡咄登密施合俱綠莫義建功毗伽可汗可敦册爲娑墨光親麗華毗伽可敦可汗及左右殺內外

宰相已下共加實封二萬戶令御史大夫王翊持節就衙帳册禮左右殺胡祿都督等並封爲王諸部督並封國公河北副元帥懷恩宜兼太保仍與一子二品官一子四品官並階更加實封五百戶河南副元帥光弼與一子三品官并階更加實封三百戶幽州節度使懷仙與一子三品并階加實封二百戶李抱玉郭英乂辛雲京侯希逸田神功孫志直白孝德令狐彰并各與一子五品官并階加實封二百戶李寶臣薛嵩田承嗣張獻誠等各與一子五品官并階仍加實封二百戶魚朝恩寄崇師律程元振勳高佐命各加實封二百戶仍與一子五品官並階僕固瑒高彥崇渾日進李建義李光逸楊崇光李懷光張如岳白元光温如雅拓拔澄泌高暉盧欽友成惟良曹楚玉等各與一子五品官加實封一百戶仍各賜鉄券以名藏大廟畫像於凌煙之閣并寇難已來將相勲業高者其名籍圖畫亦准此子儀與一子四品官并階實加封二百戶晉卿劉晏裴遵慶元載各與一子四品官并階加實封一百戶儀王及彭王已下男未官者并准舊例與官及封永穆并長樂已下長公主及群縣主嗣王群王等各與一子官皇親五等已上

册府元龜 卷之八十八
諸親三等已上各與一子出身二王後各與一子官
諸道節度觀察使立功將士其父兄在無官者依子
文武與官已歿者追贈陣亡將士襲父官爵河北河
南有懷材抱器安身守節素在丘園不仕爲衆所知
委所在長官具名開薦應授僞官等并已昭洗於才
宥過宜有甄收委所繇勘本官名銜資歷聞奏量才
處分文武正員常參官并諸州刺史父母無邑號官
者宜與致仕官及邑號贈者更與改贈刺史縣令自
今以後改轉刺史三年爲限縣令四年爲限員外及
攝試官一切不得釐務諫官每月上封事無所迴避

河南河北僞度僧尼道士女冠並與正度天下刑獄
須大理正斷刑部詳覆不得中書門下卽便處分諸
色人中有孝弟力田經術通博文詞雅麗政理優長
本州各以各薦

二年二月戊子御明鳳門下詔大赦天下制曰惟我
高祖太宗之有邦罔不昭事於上帝嚴恭敬畏與神
合符七聖在天眷命永固朕嗣守鴻業敢忘奉先尚
質貴誠聿修盛典頃以四方多難責在朕躬六侯行
師日不暇給東擒羯胡之首西禦犬戎之患元元告
病社稷隳危內定外攘不遑展禮雖高明未達而精

意惟勤克通至誠以錫純嘏蕃戎卽叙弓矢載橐虔
奉泰壇鑿寐接神祇之顧永保宗社歲時結霜露之
思近又百辟在庭儼然而進奉請元子以居少陽册
命乃行曾七攸主按風雨之清道乘星火之仲春朝
於玄元格於藝祖躬執珪奠祇見南郊天何言哉神
所勞矣敷兆人之戩穀廣四達之聰明式重燔柴之
經益申解網之惠可大赦天下自廣德二年二月二
十一日昧爽已前大辟罪無輕重已發覺未發覺已
結正未結正繫囚見徒嘗赦所不免者咸赦除之左
降官卽與量移近處亡官失爵放歸不齒之類升官

已復資未得本階者各量與收敘諸色流入及量移
人并罰鎮效力配隸等一切放還自兇孽亂嘗王室
多故干戈不息今已十年軍國務繁關輔尤劇念茲
疲耗久困徵科其京城諸司諸使應配曠騎官散官
諸色丁匠幕士供膳音聲人執祭齋郎問事掌閑師
并諸司門僕京兆府騎丁屯丁及諸色納資人每月
摠八萬四千五十八人數內宜每月共支二千九百
四十四人令河東關內諸州府配不得偏出京兆府
餘八萬一千一百一十四人并停所須衛役使宜樽
節定數官給資錢不得干擾百姓其寶應元年十二

月三十日已前諸色逋欠在百姓腹內者并放免天下戶口宜委刺史縣令據見在實戶量貧富作等第差科不得依舊藉帳據其虛額攤及鄰保其天下諸州府長史及縣令有清白著聞善政稱最能招輯逃亡編附復業戶口增多者具狀聞奏朕當差人按覆與所舉狀同者超資進改天下所有諸色結聚及羗渾黨項等能悔過自陳各歸生業一切并捨其罪其中
有能率先來降者仍特加官賞征人不息勤戍斯久丁壯疲弊老弱困窮光武有言頭鬚爲白載藏鋒刃牧養元元方面重臣宜悉朕意應諸州團練將士

等委本道節度及諸防禦使等審與州府商議如地非要害無所防虞其團練人等並放營農休息寇戎以來積有年歲徵求數廣彫弊轉深自今已後除正租稅及正勅并度支符外餘一切不在徵科限內外文武官三品已上賜爵一級四品已下各加一階仍並賜勳兩轉武德元從功臣勲業特崇子孫沉翳者委所司勘責各與一人官成都靈武元從普恩之外三品已上更賜一級四品已下更加一階寶應功臣普恩之外三品已上各與一子六品官賜爵一級四品已下各加兩階更賜勳兩轉五品已上官子爲父

後者賜勳兩轉副元帥光弼子儀各與一子三品官并階諸道節度使各一子五品官并階都防禦使及經畧等使各與一子六品官并階去歲行幸陝州六軍英武威遠威武寶應射生衙前射生左右步軍等并内外文武百官扈從到行在者三品已上與一子官四品已上各加兩階自陝州至上都已來置頓使及州府長官普恩之外各與一子出身置頓使判官已下緣路縣令及專知置頓官各加一階其六軍神策寶應射生衙前射生及左右步軍英武威遠威武等諸軍左右金吾將士絳大禮扈從及在城留從者

共賜錢五萬貫鴻臚蕃客共賜錢一千貫儀王及彭王已下諸王男未有官者並准舊例與官其已封爲郡王國公者及永穆長樂已下長公主及諸郡縣主并嗣王郡王各與一子官皇親五等已上諸親三等已下各與一子出身二王之後各與一子官臺省之官事資履歷刺史縣令任在親人職務所更是爲理本其左右丞侍郎御史中丞等取曾任刺史者郎官亦取曾任縣令者并所選御史亦宜於錄事參軍縣令中簡擇仍須資歷稍深者其有官非累歷才行特堪任用者自布衣已下任所在聞薦委中書門下尚

丹元聖赦宥七
書省考試堪任者不在此限尚書省政理所繫左右
綱轄攸歸比來百司職事皆廢宜令明徵式令舉所
職百官有論時政得失并任指陳事實具狀進封必
宜切直無諱有司白身人亦宜准此任諸匭使進表
朕將親覽必加擇用朕每思素儉敦以淳風必約嚴
章以齊侈俗其珠玉器玩寶鈿雜繡等一切禁斷諸
攝官頗有處分一切盡停尚聞因循其弊未革卽宜
申明舊勅勒停三年之喪謂之達禮自非金革不可
從權其文官自今已後并許終制一切不得輒有奏
請緣大禮應升壇殿行事者普恩之外更與一子應

在太清宮郊廟諸色職掌者及冊皇太子行事官撰
冊并書文及簡較造冊官普恩之外三品已上賜爵
一級四品已下加一階仍賜勳一轉天下耆老九十
已上版授刺史七十已上版授上佐縣令孝子順孫
義夫節婦旌表門閭終身勿事五嶽四瀆名山大川
今古聖帝明王忠臣義士宜令所管致祭

永泰元年正月癸巳朔御含元殿大赦天下制曰協
五紀者建號以體元受四時者布和而順氣天心可
見人欲是從爰立大中之道式受惟新之命朕嗣膺
下武獲主多方顧以薄德乘茲難運式麾問罪今已

十年飲至策勲雖凶渠之授首勞師黷武豈人主之
用心况乃軍役屢興干戈靡定茫茫士庶斃於鋒鏑
噫皇穹以朕爲子蒼生以朕爲父至德不能以被物
精誠不能以動天俾我生靈擠於溝壑非朕之咎誰
之過歟朕所以馭朽懸旌坐而待曙勞懷罪已之念
延想安人之策亦惟郡公卿士百辟庶寮咸聽朕命
叶宣乃力務履清白之道還興淳素之風率是黎元
歸於仁壽君臣一德何以尚之廼者刑政不修惠化
未洽旣盡財力良多抵犯靜惟哀敬實軫於懷今將
大振維綱益明懲勸肇舉改元之典弘敷在宥之澤

可大赦天下改廣德三年爲永泰元年自永泰元年
正月一日昧爽已前大辟已下罪無輕重已發覺未
發覺已結正未結正繫囚見徒嘗赦所不免者咸赦
除之僕固懷恩戰伐有功訐謀任重不終臣節輒肆
姦凶妄誘異蕃同爲不軌朕惟務責已情重舊勲如
能翻然來歸必從寬宥其下偏禪等因被驅率不獲
已者所在山谷草竊反側未安者如能束手而來一
切竝無所問自廣德元年已前天下百姓所欠負官
物一切放免在官典腹內者不在免限其百姓除正
租庸外不得更別有科率刺史縣令與朕分憂彫瘵

之人切須撫字一夫不獲情甚納隍有能招輯逃亡
平均賦稅增多戶口廣闢田疇清節有聞課效尤著
者宜委所在節度觀察具名聞奏卽名按覆超資擢
授其有理無能政迹涉賊私必當重加貶奪永爲殿
累農政本也食人天也方春之首重於東作除軍興
至急餘一切竝停令百姓專營農事其逃戶復業及
浮客情愿編附者仰州縣長吏親就存撫特令賦役
全不濟者量貸種子務合安集孝弟力田懷才抱器
遺逸未經薦達者各委州府聞奏親當策試量能叙
用應自立仗諸軍將士等宜共賜錢五萬貫書稱咸

秩詩羨懷柔仰惟衆靈念茲多祐其五嶽四瀆名山
大川宜令所管牧宰精誠致祭中外寮吏各揚其職
無使曠官克副朕意

大曆元年十一月甲子日長至制曰王者欽若昊天誕受
丕命莫不協五紀而乘運稽三微而體元上齊璿衡
下立人極乃頒曆於惟歲更覃恩於率土朕嗣守鴻
業恭臨寶位頃以時當寇難運屬干戈誓衆典師爲
人除害實賴宗社降福寰宇小康用興淳朴之風庶
洽雍熙之化乾坤敷祐大庇生靈文武協心同力王
室豈朕薄德而臻於此乃者金革所聚綿歷歲時征

賦頗繁人猶雕瘵是用疚心疾首當宁而興懷罪以
在予馭朽而貽懼每思弘濟之道用拯黎元之斃月
纏星昴律中黃鍾合天正之符承日至之永祥雲在
矚既當伯趙之司惠澤布和宜順一陽之氣建元發
號革故惟新俾及履長之節用深行慶之典可大赦
天下其永泰二年宜改爲大曆元年自大曆元年十
一月十二日昧爽已前大辟罪已下已發覺未發覺
已結正未結正繫囚見徒罪無輕重常赦所不免者
咸赦除之長吏犯贓不在免限夫從簡之道大易至
言薄賦之規前王令範朕志遵儉約務欲息人徵斂

無期誠爲勞弊天下百姓除正租庸及軍器所須外
不承正勅一切不得輒有科率國以人爲本人以農
爲業頃繇師旅征稅殷繁編戶流離田疇荒廢永言
牧宰政切親人其刺史縣令宜以招輯戶口墾田多
少用爲殿最每年終委本道按察使節度等使案覆
聞奏如課績尤異當加超擢或正理無聞必寘科貶
逃亡失業萍泛無依特宜招撫使安鄉井其逃戶復
業者宜給復三年如百姓先貨賣田宅盡者宜委州
縣取逃死戶口田宅量丁口克給仍仰縣令親至鄉
村安存處置務從樂業以贍資糧王畿之間賦斂尤

重百役供億當甚艱辛亥我疲人良多憫念盍徹之
稅著自周經未便於人何必行古其什一稅宜停周
徵俊造漢辟賢良垂之典謨永代作則天下有安貧
樂道孝弟力田未經薦用者委所在長官具以名聞
奏朕當親自策試量才叙用其立仗將士等宜賜物
五萬疋五嶽四瀆名山大川祀典攸存禋理昭著宜
以禮致祭

四年七月癸未詔曰至禮之代先德後刑上歡心以
臨下下欣然而奉上禍亂不作法令何施去聖久遠
薄於教化備書墮委獄訟繁興苛吏舞文寃人致碎
思欲制心改行厥路無繇豈天地父母慈愛之意也
朕主三靈之重託群后之上夕惕若厲不敢荒寧內
訪卿士外咨方岳日不暇給八年於茲而大道淳風
鬱而不振四郊多壘連歲脩邊師旅在外役費尤廣
賦輿轉輸疲耗吾人困竭無聊窮斯濫矣下庶闇昧
不見刑網戎士在軍未習法令犯禁抵罪其徒實繁
狴牢之間未詳事實吏議不次動淹時序傷阻和氣
數彰咎徵此皆朕之不明教之未至上失其道而繩
下以刑敢不罪已以答災眚且人者君之支體害之
則君有傷刑者教之輔助失之則人無所措慮有寃

濫慘然憂傷用明慎罰之典俾弘在宥之澤其天下見禁囚死罪降徒流已下罪釋放其左降官及流人移隸等並與量移仍爲所司卽勘責送名中書門下奏聽進止如聞州縣官比來率意恣行麤杖不依格令致死殞斃深可哀傷頻有處分仍聞乖越自今已後非灼然蠹害者不得輒加非理仍委觀察節度使嚴加捉搦勿令有犯錄名聞奏宣示中外宜悉朕懷五年三月丙戌制曰古者以季春之月布德行惠恤刑振乏朕親執犧牲玉帛獲奉於上帝神祇九年於茲矣克已思理明不能燭昆夷未叙王畧猶虞歲首

三秦之師日有千金之費悉索弊賦疲於餽軍侯甸之間徵求耗竭百穀翔貴關中小歎窮則斯濫安能懼刑困而成盜多有犯法至於軍戎之士致使廩賜不充囚之逃亡或抵邦憲事非獲已情亦可察近以露濡之恩明發有懷屬禁火之令節方薦鮪於園寢聖祖敷祐景靈告祥先天後天載荷嘉貺以陰以雨又助發生固宜順曲成之仁布惟新之命赦罪育物曠然滌除其京兆府及三輔并京城內諸司諸使見禁囚犯死罪已下特宜釋放其有犯未發覺者罪無輕重一切放免如妄有論告以其罪罪之官典犯贓

不在免限六月以來以彗星始滅赦下制曰惟辟奉天作人父母若天垂戒於上人不安於下則修德勤政以達至誠恤刑獄之寃滯問閭閻之疾苦招納諫諍方求良弼允廸前烈率繇茲道朕獲承宗廟之重託於王候之上夙夜齋慄莫敢荒寧推誠以撫萬邦屈已以安百姓憂勤之志日慎一日服御之給損之又損而涉道猶淺燭理不明國經王度多有廢闕加以寇戎聚犯軍國煩勞賦重人竭因之歲歉田荒業廢逋散相仍每深怵悼頻有蠲降兼亦簡求良吏以惠於人除去姦兇用達幽枉大變風俗更張刑政冀

人和之漸洽荷天眷之累彰固以朕德之寡昧化之衰薄其咎不遠在予一人亦繇郡邑之政未盡條理或貪以害物或擾以傷農有凌弱暴寡之寃有不均失中之政人無所措多陷刑辟蓋上之教導未至豈忍以文法繩之慘然憂嗟深自隱慝雖靡草麥秋之後方斷薄刑而南風長養之時宜寬庶獄大決疏網與之更新其天下見禁囚徒死罪並降徒流流已下並釋放内外文武官及前資官六品已下并草澤中有碩學專門茂才異等智謀經武諷諫主文者仰所在州府觀察牧宰精求表薦如其中搜揚未盡遺逸

林閭者卽宜詣闕自舉親當策試量能擢用朕覽漢文詔書至陽和之時草木群生之類皆有以自樂而吾百姓或陷於死亡而莫之省緬然遐想感歎增懷哀今之人又甚於昔思有瞻恤俾安其居觀察節度使及刺史各宜訓勵所部使奉科條變貪官之節激循吏之行其清白明著政理殊尤者具以名聞必加獎擢若月干貨賄紊我紀綱切宜糾按當峻刑憲其官人犯贓經恩免罪者並宜申報中書門下及所司不得容其抑止自王室多故積有歲時皆我文武之臣中外戮力今天下既定崇德報功與之剖符傳代

不絕至於蒞官述職各宜明慎典刑宜慶子孫永以爲戒於戲武德貞觀之間有若魏徵王珪李靖李勣房玄齡杜如晦等扶翼大運勤勞王家尊主庇人匪躬致命咸有一德格於皇天緬然長懷風烈猶在其後嗣沉翳特加優獎如廟宇荒毀卽宜修葺無德不報何日忘之其有鰥寡憊獨老幼貧窮不能自存者委州府縣長吏取諸色官量事賑給仍仰招攜戶口勸課農桑應所在州府首興工役處非灼然急切者宜並停五嶽四瀆名山大川神明所居風雨是主宜委中書門下分使致祭以達精誠孝子順孫義夫節婦

事迹明著者特加旌表頒示中外知朕意焉

七年五月己未制曰濟於道者化醇而刑措善於理者網舉而網疏朕涉道未弘燭理多昧嘗亦遐想太古高揖玄風保合太和在宥天下蓋德薄而未臻也是用因時以設教便俗以立防務盡平恕用申哀恤又教淺而多犯也加以邊虞未戢井賦猶繁荒廢之餘寇攘斯起遂令園土嘉石之下積有繫囚危章牙簡之中困於法吏屬盛陽之候大暑方蒸永念狴牢何堪鬱灼所以沮傷和氣感致咎徵天道人事豈相遠也如聞天下諸州自春己來或愆時雨首種不入

宿麥未登哀我矜人何恃不恐皆繇朕過益用懼焉惕然憂嗟深自咎責所以減膳別居齋宮禱於神明冀獲嘉應仲夏之月靜事無刑以助晏陰以弘長養斷薄決小己過於麥秋繼長增高宜順乎天意可大赦天下其大曆七年五月十五日昧爽己前已發覺未發覺已結正未結正應天下見禁囚徒罪無輕重一切並宜放免所在不須類例聞奏宜令諸道節度觀察及州牧縣宰等於當管內所有名山靈迹各精誠致祭所降甘露冀獲豐稔永思流斃庶振風猷其巴南諸州仍歲水旱迫於凍餒或至流離因有剽求

苟全性命懼刑網之所及姑哨聚以相依抑有繇焉
蓋非獲已永言其弊用軫於懷如能相率來歸各安
生業並無所問咸許自新宣示中外咸使知悉

八年五月壬辰曲宥京城內見禁囚徒並釋放是月
癸卯制曰自古帝王順時行令當北至之炎燠應南
風之長羸必事無刑解網申惠叙麥秋之氣而代天
理物矣朕獲奉珪璧虔恭郊廟一紀有餘承累聖之
鴻業爲兆人之父母戰戰兢兢恐不克濟而天地幽
贊陰陽化育闔輔之內農祥薦臻嘉穀豐衍宿麥滋
殖閭閻之間倉廩皆實百價低賤寔曰小康此皆上

帝報貺烈祖儲祉卿士存誠黎元盡力之效思與萬
方百辟咸共樂之而未能也况或抵嘗憲纍然就拘
辨對官曹幽閑獄戶永惟械繫之慘追復冒犯之繇
皆自王化之未醇風教之多闕俾民忘耻格俗虧禮
讓陷在刑典久於狴牢當順陽助生之時積冤蔽感
傷之氣百姓有過在予一人顧譏欽恤誠切傷痛用
申在宥之旨庶洽惟新之令自大曆八年五月二十
五日昧爽已前天下繫囚見徒及已發覺未發覺已
結正未結正死罪並降徒流流已下罪並宜放免敢
以赦前事相言告者以其罪罪之亡命山澤挾藏軍

器百日不首復罪如初夫承天之叙則三時有成自中形外則四海蒙福嗟爾庶士諒悉予懷

九年四月壬辰制曰朕誕膺天命以撫方夏兢兢多惕保祐惟人懼庶獄之未孚俾一夫之不獲思用哀恤與之和寧頃屬夷夏多虞干戈是務徵賦頗重黎元不康內迫艱窮外乘師旅因行盜竊自陷典刑繄然園土之下佇勦視陰之命永念愚惑惻焉疚心而寰宇之間舉類斯衆今火中惟夏長羸及時鬱然沈繫致傷和氣萬方有罪在予一人將洽至淳之化更布惟新之理其大曆九年四月二十四日昧爽已前

大辟罪已下已發覺未發覺已結正未結正罪無輕重一切並宜放免敢以赦前事相言告者以其罪罪之其在軍將士有刀箭所傷久嬰沉疾者戮力疆場致身鋒刃各委所繇量給藥物厚加優賞其陣亡將士仰本路隨事優恤妻子各申錫賚其百姓鰥寡孤獨不能自存者困窮無主誠可哀傷仰所在州府長官每事以諸色官物量加贍恤令其得所亡命山澤挾藏軍器百日不首復罪如初在宥之典旣周動植純嘏之錫庶延子孫凡在品彙各宜遷善宣示中外諒悉朕懷

冊府元龜 赦宥七 卷之八十一

十二月壬辰勅京城內見禁囚犯死罪徒流流已下
罪釋放

十年九月壬寅宥京城內見禁囚死罪徒流流已下
罪釋放

十二年六月丁未以旱故詔曰頃屬煩暑差候憊陽
積旬處於高明之中猶有鬱蒸之嘆而况幽閉獄戶
辨對官曹俯臨秋斯將正時憲重修欽恤之道載弘
全宥之仁其京城見禁囚犯流已下罪並宜釋放

冊府元龜

冊府元龜

淮南李善集參閱

西極文翔鳳訂正

豫章李善集參閱

帝王部 八十九

赦宥第八

唐德宗以大曆十四年五月癸亥即位六月己亥崩
御丹鳳樓大赦天下自大曆十四年六月一日巳前
罪無輕重嘗赦不原者咸赦除之寶應元年以後痕
累禁錮及反逆緣坐等一切洗滌内外文武官三品

冊府元龜 帝王部 卷之八十一

已上賜爵一級四品已下加階致仕官同見任天下
百姓爲戶者賜古爵一級內外將相及方面連帥尚
父子儀李正已李寶臣李忠臣朱泚崔祐甫崔寧李
勉李叔明張獻恭梁崇義張延賞段秀實陳少游田
悅張伯儀朱滔李抱真李希烈馬燧崔昭薛邕李道
昌李國清吳仲孫李昌夔李固清李元忠郭昶孟佺
馬崇福李芄康澤姚明駿杜佑及李忠誠嚴郢趙惠
伯并劉晏侯希逸顏真卿路嗣恭王駕鶴等其正已
爲司徒兼太子太保寶臣爲司空兼太子太傅崔寧
李勉各以本官同平章事餘並加官及勳封等其乘

輿服御量加減省務敦素質天下進獻事緣郊祀陵
廟所須依前勿闕餘並樽節歸於省約士庶自艱難
已來田宅踰制車服奢侈仰所司詳前後格式明立
法度王公百官旣處崇班宜知齷慎如省坊市之內
置邸鋪鬻與人爭利並禁斷仍委御史臺及京兆尹
糾察諸州府祥瑞珍禽異獸鷹犬之類奇器異服錦
繡珠玉等並不得輒有進獻諸軍州有與戎狄接境
各守邊疆勿更掩襲無備仍卽差使臣宣諭其崇和
好諸州刺史上佐自今已後准式入計叔祖穎王已
下叔彭王已下弟蜀王已下大長公主長公主各與

刑部考 赦宥八
一子京官郡縣主嗣王郡王各與一子出身二王三
恪褒聖侯各與一子官在城諸軍將士各賜緇帛武
德已來宰臣功臣名迹崇高并至德已來將相功效
明著已亡歿者量加贈謚子孫沉翳者量與官諸州
刺史及嘗叅官父見在未有官者量與五品致仕官
及階父母歿與贈官及邑號天下諸使及州府有須
改革處置事一切先申尚書省委僕射已下衆官商
量聞奏外使及州府不得輒自奏請或律令格式條
目有未折衷者委中書門下簡擇理識通明官共刪
定自至德已來制勅或因人奏請或臨事頒行差互

不同使人疑惑中書門下與刪定官詳決取堪久長
行用者編入條格三司使准式以御史中丞中書全
人給事中各一人爲之每日於朝堂受詞推勘處分
憲官諫官嘗叅官每政事錯綜仰面折廷爭無有所
隱憲司彈奏一依貞觀故事其知匭使先有明勅非
不丁寧猶聞壅遏自今已後仰每日諸匭務招遠方
達聰明目諸司各舉朕職其守至公天下有才業尤
著高蹈丘園及直言極諫之士所在具以名聞其諸
色人中有孝弟力田經學優深文詞清麗軍謀宏遠
武藝殊倫者亦具以名聞能請闕自陳者亦聽仍限

今年十二月內到朕當親試自今已後更不得令置
寺觀及請度人存問耆老恤孤弱不能自存者

建中元年正月辛巳有事於南郊還御丹鳳樓大赦
天下自正月五日巳前大辟巳下罪咸赦除之內外
文武官賜爵及階勳諸道宜分遣黜陟使觀風俗問
疾苦自艱難已來徵賦名目繁雜委黜陟使與諸道
觀察使刺史作年支兩稅徵納比來新舊徵科色目
一切停罷兩稅外輒別率一錢四等官准擅興賦以
枉法論其軍府支計等數准大曆十四年八月七日
勅處分九廟子孫非五等新任用始封王廕不限年

代東宮官宜擇端厚之士皇太子時幸大學行齒青
之禮諫議大夫孔述睿宜充太子侍讀公卿諸儒議
定五經博士其嘗叅官及節度觀察防禦軍使都知
兵馬使刺史少尹赤縣及大理司置評事授訖三日
內於四方館上表讓一人自代其外官與長吏附中
書門下每官闕以舉多者授之王府六品巳下官及
諸州縣有可併省及諸官要罷減者量事廢省天下
子爲父後者賜勳兩轉

興元元年正月癸酉朔帝在奉天行宮受朝賀畢大
赦天下制曰致理興化必在推誠志已濟人不吝改

冊庫元龜 卷之八十九
過朕嗣服丕構君臨萬邦失守宗祧越在草莽不念
率德誠莫追於旣往永言思咎期有復於將來明徵
其義以示天下小子懼德不嗣罔敢怠荒然以長於
深宮之中暗於經國之務積習易溺居安忘危不知
稼穡之艱難不恤征伐之勞苦澤靡下寃情未上通
事旣壅隔人懷疑阻猶未省已遂與興戎徵師四方
轉餉千里賦車籍馬遠近騷然行齋居送衆庶勞止
或一日屢交鋒刃或連年不解甲冑祀奠之主室家
靡依死生流離怨氣凝結力役不息田萊多荒暴令
峻於誅求疲吐空於杆軸轉死溝壑離去鄉閭邑里

丘墟人烟斷絕天譴於上而朕不寤人怨於下而朕
不知遂致亂階變行都邑賊臣乘釁肆逆滔天曾莫
知愧敢行凌偏萬品失序九廟震驚上累於祖宗下
負於蒸庶痛心覩貌罪實在予永言愧悚若墜淵谷
賴天地降祐神祇叶謀將相竭誠爪牙宣力群盜斯
屏皇維載張將弘永圖必布新令朕晨興夕惕惟念
前非乃者公卿百寮用加虛美以聖神文武之號被
蒙闇寡昧之躬固辭不獲俯遂群議昨因內省良所
瞿然體陰陽不測之謂神與天地合德之謂聖豈伊
淺劣所敢當仁文者所以化成武者所以定亂朕自

臨御於六載化之不被亂用是興豈可苟徇群情猥當徽號重予不德益用懷慙自今已後中外所上書奏不得更言聖神文武之號今上元統歷獻歲發祥宜革紀年之號式敷在宥之澤與人更始以答天休可大赦天下改建中五年爲興元元年自正月一日昧爽已前大辟罪已下咸赦除之李希烈田悅王武俊李納等有以忠勞任膺將相有以勲舊繼守藩維朕撫馭垂方誠信未著致使疑懼不自保安失於懷柔黷此威武皆由上失其道而下罹其災朕實不君人則何罪留已弘物予無愛焉庶懷引慝之誠以洽好生之德其希烈武俊田悅李納并所管將吏等一切並與洗滌復其爵位待之如初仍卽遣使分道宣諭朱滔雖緣朱泚連坐路遠必不同謀朕念其舊勲務在弘貸如能效順亦與惟新朱泚大爲不道棄義絕恩反易天嘗盜竊名器暴犯凌寢所不忍言獲罪祖宗朕不敢赦其應被朱泚脅從將吏百姓等或遭勑誘或迫兇威苟能自新理可矜宥但官軍未到京城已前去逆效順并散歸本軍者并從赦例原免左降官及已經量移并與量移近處流人配隸及罰鎮効力並安置及得罪人家口未許歸者一切放還先

有痕累禁錮反逆緣坐承前恩赦不該者並宜洗雪
亡官失爵放歸勿齒量加收叙未復資者更與進叙
諸色降黜配隸人中有才能者特加錄用諸軍諸道
應赴奉天并進收京城將士並賜名奉天定難功臣
身有過犯遞減罪三等子孫有犯減罪二等諸道將
士在行營並超三等改官仍各賜勳五轉在本鎮者
依資與改官各賜勳三轉内外文武官三品已上賜
爵一級四品已下者加一階仍並賜勳兩轉應因流
貶身死未葬並許其家各擬本官以禮改葬其所加
墊酒錢稅開架竹木柴漆摧鐵之類悉宜停罷其奉

天升為赤縣仍給復五年在縣城內者給復十年天
下有隱居行義晦迹丘園委長吏具名聞奏當備禮
邀致諸色人中有賢良方正能直言極諫并博通墳
典達於教化識洞韜畧堪任將帥者委嘗叅官及長
吏奏聞諸道貢獻自非供宗廟軍國之用一切並停
赦書既下人心大悅

七月辛卯御丹鳳樓大赦天下詔曰國家百七十載
八聖儲慶敷祐下人視之如傷懼天天理未嘗不既
富而教既教而懲有泣辜宥過之惠無作威逞欲之
事俾爾萬姓嗣續迄今俾予一人纂承及此朕恭膺

顧命獲主大寶懜於理亂之本溺於因習之安上下
否隔賞罰乖舛執法以濟衆而犯令愈甚興戎以除
害而長亂益繁中心浩然罔知攸濟姑務騁力曾微
省躬殫財以竭人畧內以勤遠中外耗蠹遐邇震騷
賊臣蓄奸承釁竊發九廟乏祀兆人靡依猘猱肆其
吞噬豺狼擾於宮闕去歲云半再罹播遷茫茫中原
罔有定極烈士殞命暴骸於草野黔首遭難轉死於
溝壑朕實獲戾人其何辜悼心慙顏泣血思咎敢憚
賈越以幸於朕躬誠懼重辱祖宗益縱兇醜忍耻誓
志庶復寇讐賴昊穹降威式沮亂命將帥戮力恭行

天誅士庶宅心不忘先德賜予寡昧再受多祐紐乾
綱於旣紊復天柱於將傾言旋鑄京不改舊物宗祧
以序朝享有期明發不寐彌增感惕嗚呼君者所以
撫人也君苟失位人將安仰朕受天明命臨御萬方
違道任情致寇興禍生靈無告受制兇威苟全性命
急何能擇或虧廢名節或貪冒貨利陷於法紀事匪
一端究本原情諒非獲已不能撫之以道而又繩之
以刑豈朕恤人罪已之誠含垢布和之義滌清汚俗
與物更新可大赦天下自貞元元年七月二十日昧
爽已前大辟罪已下咸赦除之今年五月已前左降

冊府元龜 卷之八十九
官與量移內外文武及致仕官三品已上賜爵一級
四品已下加一階仍並賜勳兩轉司徒兼中書令晟
與一子五品正員京官侍中瑊與一子六品正員京
官駱元光尚可孤韓遊瓌戴休顏各與一子七品正
員官諸道節度使及行在都知兵馬使都虞候扈從
左右金吾六軍大將軍各與一子八品正員官都團
練使觀察使各與一子官收京城將士超八資改轉
已甄敘者更與超二資扈從及收京城將士及嘗參
官祖父母在先無官封量授致仕官及邑號已亡者
與追贈扈從將士三品已上賜爵兩級四品已下各

加兩階賜勳三轉諸州刺史普恩之外賜爵一級四
品已下加一階賜太尉秀實天授貞烈激其類風蒼
黃之中密蘊雄斷將紆國難詭收寇兵撓其兇謀果
集吾事挺身徑進奪擊渠魁英名凜然振邁千古宜
差官致祭并旌表門閭綠葬所要一切官給及於墓
所官爲立碑以揚徽烈諸軍將士有身死王事委本
使具名銜聞奏卽與褒贈京兆府百姓普恩之外給
復一年

貞元元年正月丁酉朔御含元殿受朝賀禮畢大赦
天下以興元二年爲貞元元年李懷光束身歸順以

其嘗有大勲官封如舊諸道進討淮西罪止希烈脅從皆原自今特敕正月十一日昧爽已前大辟罪已下咸赦除之左降官量移近處流人及罰鍾効力並卽放還應有痕殿禁錮前後恩赦節文未該及者並宜洗雪李希烈僭逆不道誠所難容朕憫念蒼生務息征討頻有詔命許其自新若能歸降依前勅待之以不死內外文武見任及致仕官三品已上賜爵一級四品已下加一階天下諸使諸州將士三品已上亦賜爵一級四品已下加一階白身人賜勲三轉應奉天興元元年扈從立功并收京城將士食封者各

隨文武與一子官餘並加兩階仍賜勲三轉其文武百僚應從到興元府者五品已上賜勲三轉其五品已下賜爵一級六品已下加一階合入三品五品者不拘考限聽敘其中五品已上父母未經追贈者並與追贈司徒兼中書令晟宜與一子五品正員官副元帥各與一子五品正員官都統與一子六品正員官中書門下平章事充節度使及神策兵馬使六軍統軍金吾六軍大將軍判度支侍郎各與一子八品正員官都團練防禦觀察使京兆河南尹金吾六軍將軍殿前射生兵馬使各與一子九品正員官故尚

父子儀先朝元勳再復京邑贈太尉秀實以死衛國節冠古今各宜與子孫一人五品正員官江淮轉運使簡較尚書左僕射平章事韓滉勵精勤賊夙夜在公漕輓資儲千里相繼可進國公關畿之內連歲興戎荐屬天災稼穡不稔穀麥翻貴蒸黎困窮倉廩空虛莫之賑贍每一興念惻然痛心宜令度支取江西湖南見運到襄州米一十五萬石設法搬赴上都以救荒饑大長公主長公主各與一子七品官嗣王郡王各與一子出身應陪位皇親三品已上賜爵一級四品五品加一階六品已下及嘗選官等簡選日優

與處分應緣大禮職掌行事及留守副留守內行事中官等三品已上各賜爵一級四品已下加一階人並賜勳兩轉介公鄒公各與一子官如無子孫賜物一百疋及神策六軍殿前射生英武威武威遠皇城左右金吾街使等諸軍諸使將士御樓立仗及守本仗者并諸道節度下隨使赴上都帖仗將士等宜共賜物十三萬段仍賜勳兩轉

四年正月庚戌朔御丹鳳樓制曰朕以菲薄託於王公之上恭承天地之序虔奉祖宗之訓遐想至理思臻太和而誠不感物化不柔遠聲教猶鬱征賦仍繁

頃者務於安人不憚屈已與西蕃結好申以齊盟而
戎心無厭背義虧信故魯士庶屢犯封疆元元何辜
皆朕之失乃者輦轂之下兇狂結構上帝垂祐悉自
伏誅刑以止殺諒非獲已今三陽布和萬物資始思
與群公兆庶惟新政理宜敷在祐之澤以覃作解之
恩可大赦天下大辟罪已下繫囚見徒嘗赦所不原
者咸赦除之官吏犯贓不在免限流人配隸放還左
降官量移近處已經量移者更與量移百姓逋欠一
切放免諸州遭水旱委長吏貸種子天下兩稅更審
定等第仍加三年一定以爲永式涇隴邠寧振武靈

鹽夏銀官健嘗例之外每年加賜兩段軍州官吏寄
客能務農業入粟助邊量其多少酬以官秩天下刺
史與一子正員官戶口增加田疇廣闢者長吏加一
階縣令減選優與處分額內官勿更注擬見任者三
考勒停百官食錢所欲別置本宜令中書門下與百
僚議可否奏京九品已上官各上封事極言得失賢
良方正直諫者高蹈不仕隱居巖穴孝弟力田聞於
鄉里所在長官具名聞薦諸色官有清白政術堪任
刺史縣令者嘗叅官各舉所知朕當親自策試之諸
軍立仗將士共賜物一萬疋陪位蕃客賜一千疋

六年十二月庚午南郊禮畢御丹鳳門下制曰禮稱
日至而郊詩美豐年之報然則迎日之始時莫大焉
順成之祐慶莫重焉朕承天眷懷俾作神主朝夕砥
礪日月永思惟人安化洽是勤惟歲稔時和是冀上
靈降鑒豐祉聿臻展禮郊丘申大報之義祇禋宗廟
極追孝之誠四海具瞻百神咸秩古者凡有大澤必
與天下樂之慶賜遂行無思不備內外文武及致仕
官弁諸將士等三品已上賜爵一級四品已下加一
階宰相及東都留守六軍統軍諸道節度神策神威
金吾六軍及都團練防禦觀察使京兆河南尹正員

尚書御史臺長官太嘗卿各與一子官大禮行事官
各加一階立仗將士及守本營者共賜物十八萬端
疋故尚父子儀與一子五品正員官如已五品已上
量與改轉贈太尉秀實與一子官張巡許遠南霽雲
顏真卿顏杲卿各與一子正員官天子見禁囚徒罪
至流死者各遞減一等徒罪已下一切放免左降官
經三考流人配隸效力之類經三周年者普與量移
近日州縣官吏專殺立威杖或踰制自今已後有責
情決罰致死者宜令本道觀察使具事繇聞奏并申
報刑部御史臺吐蕃比虧信約自絕通和邊鎮之間

事資備禦因其犯邊累獻俘囚既切懷歸之心復加
幽繫之苦永言覆育豈間華夷應所獲吐蕃生口見
在者一切放歸本國仍並遣人送至界首量事資遣
使得自全應諸道自艱難已來戰陣喪歿及荒凶死
亡骸骨暴露者長吏各令收瘞奠酌守宰之任弊在
數更自今刺史縣令以四考爲限嗚呼朕獲主珪璧
十有二年於茲天地明察罔敢不祇一日萬思罔敢
不慎遷已之過庶無妄心致人之安實有明志夫祀
之馨香在德天之視聽在人惟命不嘗聖有謨訓慶
感既集於茲日儆厲方戒於將來與鬼增修津懷多

福凡百有司所宜同之

九年十一月乙酉日南至郊祀禮畢御丹鳳樓大赦
天下制曰朕以寡德祇膺天命勵精理道十有五年
夙夜惟寅罔敢自逸小大之務莫不祇勅皇靈顧懷
宗社垂祐年穀豐阜荒服會同遠至邇安中外咸若
永惟多祐實荷玄休是用虔奉禮章躬薦郊廟克展
因心之敬獲申報本之誠慶感茲深怵惕惟厲可大
戴天下自貞元九年十一月十日昧爽已前大辟罪
咸赦除之左降官及流人並量移近處內外文武見
任及致仕官并諸軍諸使將士等三品以上賜爵一

級四品已下加一階將士白身者賜勳兩轉緣大禮
職掌行軍法駕南郊後留守副守及太倉左藏庫及
陪位官等三品已上更賜爵一級四品已下加一階
其郊壇宮廟行事官仍各賜勳兩轉皇親應陪位者
三品已上賜爵一級四品已下加一階及諸色應陪
位官等各賜勳兩轉親王大長公主長公主嗣王郡
縣主鄭公介公鴻臚蕃客神策神威六軍及諸使應
緣大禮宿衛御樓立仗及守本軍本營者諸道節度
在京帖仗將士賜物有差宰輔及在方鎮者祖父各
與追贈東都留守諸軍節度觀察都防禦都團練經

畧鹽鐵轉運使左右神策神威六軍等統軍大將軍
英武威遠軍使戶部侍郎判度支及京文武三員已
上正員官尚書省四品官中書門下省御史臺五品
官父在未有官者量授簡較官已有官者加一階母
在未有邑號者授邑號已有邑號者更進邑號父母
亡歿者各與追贈應諸軍防秋兵馬使及別勅定名
充邊地兵馬使等備禦勤勞所宜優異其父在未有
官者各授簡較官母在未有邑號者各授邑號邊軍
鎮守及諸道諸軍防秋將士經三週年未改轉者宜
與甄叙其九廟配享功臣封爵廢絕者宜令詔封以

享祀故尚父子儀贈太尉秀實宜與一子六品正員
官天下有才德高遠爲衆所知及隱遯丘園不求聞
達者委所在州府長吏具名迹聞薦諸色人中有賢
良方正能直言極諫或博通墳典達於教化或詳明
政術可以理人者委嘗叅官及州府長吏各舉所知
聞奏朕當親自策試諸司官有陳時政得失各盡所
見條流封進人有寃滯事有關遺悉當極言無所隱
避

十月四日癸卯司天監言日食雲陰不見百官表賀
是日釋京師繫囚

順宗以貞元二十一年正月卽位二月甲子御丹鳳
門大赦天下制曰朕承天序嗣守鴻業以不明不敏
託於萬國兆人之上永惟高祖太宗肇啟區夏列聖
休德洽於人心肆惟寡昧膺受多福大懼不克負荷
爲宗廟羞若涉大川罔知攸濟思與群公卿士方伯
連帥祗若不訓惟懷永圖內熙庶績外弘至化以弼
於理臻於大中俾懷生之類各遂其性咸得自新道
迎休和蕩滌瑕累可大赦天下自貞元二十一年二
月二十四日昧爽已前大辟罪已下罪無輕重已發
覺未發覺已結正未結正繫囚見徒嘗赦所不原者

咸赦除之左降官並移近處如復資者任依嘗調赴
選如有親故在上都任於所司陳狀便與處分別赦
因責授降資正員官者亦進改亡官失爵放歸不齒
者量加收叙流人放還僧尼道士移隸者罪人已亡
歿家口未許歸者一切放歸如自情願住者勿拗令
歸如先有勅去縱逢恩赦不在放還之限者及別勅
安置者並宜放還其安置之人五品已上待進止左
降官及流人亡歿有官者各還本官今日已前積累
禁錮及反逆緣坐一切並與洗滌應緣山陵制度及
喪儀禮物博詢可否務遵禮度必誠必信副朕衷懷

橋道置頓並以內庫錢充諸有費用先給功價仍以
見錢更不折物不得輒令科配天下百姓應欠貞元
二年二月三十日已前權酒及兩稅錢物諸色逋懸
一物已上一切放免京畿諸縣應今年秋夏青苗錢
並宜放免天下諸州府應湏夫役車牛驢馬脚價之
類並以兩稅錢自備不得別有科配仍並依兩稅元
勅處分仍永爲嘗式不得擅有諸色權稅常貢外不
得別進錢物金銀器皿奇紋異錦雕文刻鏤之類若
已發在路者並納在藏庫清淨者理國之本恭儉者
修己之端朕臨御萬邦方弘此道苟可濟物予何愛

焉宮掖之中宜先省約其後宮弟子音聲人等並宜放歸親族應緣宮市並出正文帖仍依時價買賣不得侵擾百姓所緣宮中要姝母並取食糧戶充稅不得科配寺觀諸軍先擒吐蕃生口配在諸處者宜資給放還本國天下官吏應行鞭撻本罪不致死若假以責情致令頹斃每念於此良增惻然宜切加察訪内外文武見任及致仕官并諸道將士等賜爵加階賜勳有差二王三恪褒聖侯各與一子官大長公主嗣王等各與一官及出身有差宗子中有才用者委宗正卿以名聞量才叙用皇王等已上親賜爵加階

有差陪位者年十五已上並放出身武德已來配饗功臣及張巡許遠南霽雲顏杲卿顏真卿等子孫中各與一人正員官故尚父子儀贈太師晟大尉秀實子孫中各與一人正員五品官及諸州府長官及京嘗參官父見在未有官者並與五品致仕官及階父歿母存者與邑號父母亡歿量與追贈陝州元從寶應功臣興元元從奉天定難功臣賜爵勳有差亡歿者與追贈中書門下節度使東都留守度支鹽鐵等使京兆尹觀察招討等使及神策神威金吾六軍將軍大將軍莫武威遠鎮國軍使隴右經畧軍使節度

冊府元龜 卷之八十九
留後各與一子官有差其神策神威六軍將軍大將軍英武軍等使並與加官神策神威六軍英武威遠營左右金吾及皇城將士及綠御樓立仗將士等賜物及爵階有差應東宮官及侍讀侍書教授在正月二十六日已前者國已來職掌行事及冊命官授額命撰制詔及修冊文并寫制詔官等賜爵加階勳進改有差蕃客等共賜物一千八百七十疋義武軍節度使下官健在城立仗共賜物三千八百四十五疋立仗將士等量加改轉內侍省及內防官正諸道進奏院及奏事官賜爵階勳有差內外五品已上文官

及臺省嘗叅官宜至四考滿與改轉中外遞遷量才叙用其中政績尤異須甄升者不在此限嘗叅官及諸州刺史有先得替及假百日經喪去官未授官者並卽與進擬百司及在城諸使息利本錢徵放多年積成深弊內外官料錢職田等厚薄不均兩稅及諸色權稅物重轉須有損益並宜委中書門下與逐司商量具利害條件以聞不得擅有閉糴禁錢務令通濟諸色人中有才識兼茂明於體用者經術精深可爲師法者達於吏理可使從政者宜委嘗叅官各舉所知其在外者長吏宜精加訪擇具以名聞仍優禮

發遣朕當詢事考言審其才實如無人論薦者卽任
自詣闕應內外官及諸色人任上封事極言時政得
失有可觀者別當甄獎百姓九十已上版授及賜各
有差仍令官吏就家存問順孫孝子義夫節婦旌表
門閭重加優恤

四月戊申詔曰惟先格王光有天下必正邦本以立
人極建儲貳以承宗祧所以啟迪大猷安固洪業斯
前代之令典也皇太子純體仁秉哲恭敬溫文德叶
元良禮當上嗣朕奉若不訓憲章古式永惟社稷之
重載考春秋之義授之七鬯以奉粢盛爰以令辰俾

膺茂典今冊禮云畢慶感交懷思與萬方同其惠澤
自貞元二十一年二月二十四日已後至四月九日昧爽
已前天下應犯死罪者特降從流流罪已下各減一
等文武官嘗叅官及諸州府長官子爲父後者賜勳
兩轉古之所以教太子必茂選師友以輔翼之俾法
於訓詞而行其典禮右左前後罔非正人是以教諭
而成德也給事中陸贄中書舍人崔樞積學懿文守
經據古以叅講習庶叶於中可充皇太子侍讀天下
孝子順孫先旌表門閭者委所管州縣各加存恤五
嶽四瀆名山大川委所在長吏量加祭禮

永貞元年八月辛丑傳位於皇太子帝稱太上皇居
興慶宮下詔曰有天下者傳歸於子前王之制也欽
若大典斯爲至公式揭耿光用體文德朕獲奉宗廟
臨御萬邦降疾不瘳庶政多闕乃命元子代予守邦
爰以令辰光膺册禮以今月九日册皇帝於宣政殿
乃命簡較司徒平章事杜祐充册使酌下侍郎平章
事杜黃裳爲副使國有大命恩俾惟新宜因紀元之
慶用覃在宥之澤宜改貞元二十一年爲永貞元年
八月五日昧爽巳前天下應犯死罪特降從流流罪
已下各降一等

憲宗元和元年正月丁卯御含元殿受朝賀禮畢御
丹鳳樓大赦天下制曰朕聞明王之以孝理也必先
之以博愛臨之以莊敬繇一人之至德鼓四表之懼
心臻於大和以育庶類則下知禁而無犯上措刑而
勿用斯道不遠弘之在予朕以寡昧嗣守丕業荷累
聖之鴻休稟太上之嚴訓夙夜寅畏不敢荒寧承顏
而退省萬機問寢而下臨四海虔奉惟眷施於兆人
皇王以來孰有斯慶端本之化自予躬行總百行之
源刑四方之理推恩以覆育廣敬以昭事王者要道
朕其庶乎則日月之燭然可以率俾昆螿之涵養期

於不天是必家至日見而後化洽刑清圖始所難慎
終斯勉猶恐下愚之人因循陷辟官師之長教道未
明迫於饑寒遂愆禮節註誤之網顧失政而多途哀
矜之人雖得情而勿喜思與公卿大夫下及士庶人
勵翼循省以圖將來其因體元之始覃此惟新之澤
上報於君父下念於蒼生頒慶紀年鴻恩斯洽可大
赦天下改永貞二年爲元和元年自元和元年正月
二日昧爽已前大辟罪已下嘗赦所不原者咸赦除
之京畿諸縣今年青苗錢及攤酒錢並宣放免地稅
率於每年科量放二升江淮荆襄等十州管內水旱

所損四十七州減放米六十萬石秋稅錢六十萬貫
內外文武見任在官神策六軍諸道將士等各賜爵
加勳自武德已來功臣子孫與官及出身文武嘗參
官觀察節度團練經畧使刺史六軍大將等父母亡
歿與封賜至德以來任宰輔與追贈及謚陝州奉天
元從功臣普恩之外更賜勳爵中書門下及外使宰
相宜與一子七品官東都留守六軍大將等與一子
出身東宮官並與改官其撰冊文官等與一子官及
勳爵有差天下百姓高年者賜米帛羊酒國子監祭
酒司業及學官並先取朝廷有德望學識者充東都

國子監諸館共置學生百員應天下州府每年所稅地子數內宜十分取二均充嘗平倉仍各逐當處穩便收貯以時價糶糶務在救人

九月西川劉闢平十月詔曰西川諸州鎮刺史大將軍及叅官佐吏將健百姓等應被脅從補職掌一切不問

二年正月辛卯有事於南郊還御丹鳳樓大赦天下制曰朕聞王者大孝業莫盛於配天國之大事禮莫尊乎享帝故二儀合祭知上天所予之仁萬國駿奔觀聖人嚴父之道教之所設禮極於斯我國家宗武

祖文繼天撫運聲名所被車書必同承禱而御德業光十聖體元而紀號年將二百朕以微眇纘奉昌圖畏此洪業若臨深谷而大事所屬仙寢維營凶德相擬兩隅皆阻淮湖輿壤水旱愆期怒然疚懷懼不克濟既而上天降祐烈祖垂休妖氛盡殄逆節咸伏精禋有以相盪善惡有以相資五兵纔試而復藏四氣應序而感理物皆滋茂歲亦豐登百姓之心懽然相與是用齊精三日欵謁上玄明發不寐祗見烈祖周旋在位陟降是依克配之禮既展如在之誠增慕嘉此福祐與物惟新式敷顯若之化俾洽霈然之澤可

大赦天下罪無輕重嘗赦不原者咸赦除之左降官
與量移及復資仍聽累叙流移配隸並放還天下應
有逋欠在百姓腹內者及京畿今年夏青苗錢並放
免官酤酒及新權率並同禁斷淮南江南去年已來
水旱疾疫其稅租節級蠲放天下兩稅貞元四年制
書已今三年一定委有司舉舊勅商量處置諸道年
終勾宜停刺史錄事叅軍並不得擅離州其事類已
後制勅速令有司刪定江淮大縣每歲據闕委三省
御史臺諸司長官節度觀察使各舉堪任縣令不限
選數並許赴集臺省官及刺史亦令有關先於縣令

中揀擇如有能否與元舉人同賞罰復置具員簿以
序內外庶官禁郵驛假託乘券京兆府諸司色役人
各令條疏簡省天下官吏應行鞭撻責情至死切令
察放王府六品已下官及諸州縣有獄并省處及諸
官諸使有要停減者委有司商量廢省天下百姓不
得冒爲僧尼道士以避徭役其創造寺觀廣興土木
皆舉勅處分内外文武見任及致仕官諸軍將士等
以品秩節級賜勳爵文宣王及二王三恪公主諸與
一子官仍賜物有差宗子中有才用者委中書門下
量才叙用故尚父子儀太師晟太尉秀實顏真卿顏

臬卿張巡許遠南霽雲及配饗功臣與一子宮及出身有差至德已來功臣未配饗者速令詳定文武嘗參官及諸道節度觀察使等并諸軍使並與父母封及追贈并一子宮及出身有差諸軍身仗及在本營節級賜物應緣大禮職事官並賜階爵天下諸色人中有賢良方正能直言極諫博通墳典達於教化軍講宏遠堪任將帥詳明政術可以理人委內外官各舉所知當親策試天下百姓高年者贈米帛羊酒物及版授官封名山大川及古聖帝明王忠臣烈士各令以禮致祭

三年正月癸巳御宣政殿受徽號曰睿聖文武皇帝冊禮畢移仗御丹鳳樓大赦天下自今已後應請道有除官赴闕受代至京不得取本道錢妄稱進奉四年十月庚寅冊皇太子癸巳制曰朕丕承寶圖撫有方夏夙夜寅畏不敢荒寧永惟祖宗之洪業歷考皇王之令典思所以垂統立極事神保乂推明至公安固大本尊廟祧而主七廟嚴社稷而奉粢盛俾開春闈乃命元子斯古今之通誼也皇太子寧清明體仁莊敬好禮擬忠孝之節一君親之誠允諧詢謀用建儲貳爰以吉日冊於明庭鍾鼓載和文物大備盛

禮云畢慶感良深是宜布澤施恩自申達外厥有前
躅舉而行之自元和四年十月八日昧爽已前天下
應犯死罪殺人者降從流流罪已下遞減一等左降
官未經量移者與量移文武嘗叅官及諸州府長官
子爲父後者賜勳兩轉應緣冊禮行事官賜階及勳
爵有差御王府官量與改進夫輔翼元良教諭成德
使目睹正事耳聞正言刑於施爲漸於心術非齋莊
忠毅之士不在茲選工部侍郎歸登給事中呂元膺
並踐履端方行義修潔通於經訓而得其要達於教
化而蹈其中侍講承華師範磐石訪乃公義副予精

求並可充皇太子諸王侍讀登宜加一階元膺宜賜
紫金魚袋天下孝子順孫先旌表門閭者委所管州
縣各加存恤五嶽四瀆名山大川委所在長吏量加
祭祀

七年十月庚戌制曰王者司牧黎元紹膺統緒必達
儲貳以稱家邦故春秋垂冢祀之交易象著震方之
位朕屬承景運嗣守丕圖稽前王之令謨奉烈聖之
彝訓上以嚴宗祧之顧下以繫億兆之心無疆之休
用崇主鬯祗荷成懿敢怠於懷皇太子忠孝溫文率
義繇禮寬粹莊重自誠而明慶靈所積姿器夙茂能

辨南陽之牘允符東海之貴承華載序所感則深永
爲固本爲慶滋大宜弘欽恤之令亦覃命賜之恩與
衆共之無思不被自元和七年十月十七日昧爽已
前天下應犯死罪殺人者遞減一等左降官流人並
與量移如因流貶所亡歿及得罪之人并任歸葬文
武嘗參官及諸州府長官子爲父後者賜勳兩轉應
緣冊皇太子行事官加階賜勳爵有差文武嘗參官
及陪位官并宗子諸親賜勳一轉遂至王府量與進
改天下孝子順孫先旌表門閭者及高年廢疾者委
所管州縣各加存恤五嶽四瀆名山大川委所在長

吏量加祭祀布告遐邇咸使知聞

十三年正月乙酉朔帝御含元殿受朝賀禮畢御丹
鳳樓大赦天下詔曰朕聞王者法天作則與衆守邦
奉公無私居兆人上當恭已嚮方之際切臨深馭朽
之懷憂勤靡遑今古何遠所重者兵革不試軌度自
貞熙仁扇和以至大道朕顧惟菲德祇奉睿圖承昊
天之眷命纘烈聖之丕緒晏食以求至理虛心而候
昌言兢兢業業嘗懼失墜逮今十有四年矣道且希
於廣運意嘗在於包荒推誠則深感物未至頃歲蜀
川浙右怙亂阻兵人神共誅剪滅相次姑務偃革期

於措刑方蕭勺以懲姦庶干羽以成化而淮蔡寇孽
稔禍挺災問罪興師蓋非獲已每念征行之暴露軫
餽給之煩勞中宵惕然載益祇勵夙究旣殄黎庶用
康斯皆宗社垂休中外協力將勤恤於下土異炤咎
於上玄茲朕所以思與群公卿士勵精於庶政也屬
獻歲發春授時惟敬勾萌盡達幽蠶咸蘇徽纒可矜
鰥恤存念俾疎網之是決與慶澤之惟新可大赦天
下元和十三年正月十日昧爽已前大辟罪已下咸
赦除之惟官典犯賊不在此限左降官及流人移隸
等並與量移近處別勅因責降授正員官所司亦與

處分其淮西管内縱有迹同惡逆掛涉流言事在徃
時一切不問如聞申光蔡潞四州百姓干戈之後俄
殍爲病宜委所在長吏設法綏理先入擒吳元濟立
功將先委韓弘條疏宜速具功勞等第聞奏待有甄
獎處分天下諸州府百姓兩稅之外輒不得更有差
率已類申勅尚恐因循宜委御史加糾察其諸道州
府縣用兵已來或慮有權置職名及擅加科配事非
永制者一切禁斷淮西側近應緣資給軍用摧稅經
奏請者各委條疏停省王承宗若束身赴闕捨而不
問仍加官爵其度支元和二年已前諸道借假及懸

欠錢物斛斗雜物當四百八十餘萬貫石端疋枚具斤兩等並放鹽鐵戶部諸監院應有欠負亦疏理減放二王三恪及文宣公各賜物五十疋神策六軍威遠金吾及皇城等緣御樓立仗將士等及在城蕃客各賜物有差故尚父子儀贈太尉秀實杲卿真卿張巡許遠南霽雲與一子官出身有差中書門下及文武嘗叅官諸道節度觀察神策諸軍等使祖父母節級與贈封官存者量與致仕及邑號天下百姓高年賜米帛羊酒有差

十四年七月己丑御宣政殿群臣册上尊號禮畢御丹鳳樓大赦天下制曰朕聞惟人戴后因事必極於推尊惟辟奉天有善必歸於讓德式敷景福以答玄功居有勞謙之思進多滯假之懼緬自遠古何嘗不因是而致理焉朕獲纘睿圖祇奉神器上奉大祭下安群生恭已臨軒兢懷馭朽志欲周於四海而念嘗切於一夫旰食宵興惟恐失墜運屬休泰時丁小康方隅廓清氛祲銷盪斯乃上荷乾坤之垂祐宗社之降靈下賴卿士之叶心戎臣之宣力端拱嚮道推誠任能豈予寡昧用集丕績况至化猶鬱勤憂未寧而中外諸臣文武多士累陳懇疏並進昌言願獻鴻名

以增虛美拒衆心而率顛轉切顧耿身而內愧靡安
乃撰吉辰爰受典冊禋告於清廟虔聞於昊天當茲
盛儀夕惕增勵於戲朕自御極再加景號在徽章而
孔儆諒浮實而多慚宜因行慶之辰誕布惟新之澤
與時咸遂永孚於休可大赦天下自元和十四年七
月十二日昧爽已前大辟罪已下咸赦除之唯故殺
人及官典犯賊不在此限左降官量移如復資者卽
任便赴選亡官失爵放歸不齒者量加收叙前資見
任官如因職累未階錄用并左降官事情可恕才行
足稱者並宜簡拔獎用淄青舊管內官人將士百姓

等縱有跡同惡逆掛涉流言事在當時一切不問京
畿今年秋稅青苗及權酒錢每貫量放四百文從元
和五年至十年已前諸縣百姓欠負錢物斛斗等委
京兆府疏理減放淮南浙江東道宣歙江南西道湖
南福建山南東道荆南等道今年秋稅錢合上供者
每貫量與減放度支鹽鐵戶部應有逋懸並委本司
疎理具可放數奏聞比來州縣多不定戶貧富變易
遂成不均前後頻有制勅長吏不盡遵守今宜三年
一定必使均平内外文武見任及致仕官三品已上
賜爵一級四品已下加一階仍賜勳兩轉神策六軍

金吾皇城威遠諸道將士經淮西淄青兩度立功者
夏賜勳兩轉二王三格及文宣公神策六軍金吾皇
城威遠等諸軍應在城內蕃客並節級賜物侍中韓
弘讀冊官崔群讀寶官皇甫鏞並各加一階已至三
品者賜爵二級撰冊文官崔群與一子正員官其餘
應職行掌事官加階賜爵勳有差故尚父子儀贈太
師晟贈大尉秀實及張巡許遠南霽雲顏真卿杲卿
子孫各與官及出身寶應與元功臣各賜勳爵天下
諸色人有賢良方正能直言極諫博通墳典達於教
化軍謀宏遠堪任將帥詳明政術可以理人者委內
外官各舉所知當親自策試委中書門下選黜陟使
分巡天下百姓高年者頒賜有差

